

民族詩選



黃埔出版社編印

序

往余創刊民族詩壇，嘗爲言曰：一詩，非一人事也。國風十五，可以論世。與觀羣

怨之數，尼山既言之矣。溫柔敦厚爲詩教者，惟我民族文化爲最偉大！兩漢以下

日新；作者千家，騁毫自媚。然聞聲察隱，興衰可觀。少陵憂國之懷，務觀王師之

千古江山，儒夫立志。唐自伯玉，詩幟一新，文事武功，互相輝映。宋明以來，所不

逮。民國肇建，僅二十有八年，寥寂詩壇，誰爲健者！自抗戰軍興，萬民騰沸，怒

聲，響徹天地。武穆衝冠之憤；文山正氣之歌，必有雄辭，而非其世。越漢跨唐，日

今日。一而吳興陳氏，亦有說：「近代民族運動之興起，類皆以文藝爲其前鋒。史

蹟毋勞瑣舉。祇就吾國而論，南渡而後，始生辛陸；明社已墟，乃有顧黃。蓋民族

之感覺，以文藝家爲最銳敏，最深切。興亡責在，使不得不大聲疾呼；以求盡其在

而獲心之所安，初因未嘗計及一身之顛連禍頓，危疑侵襲也。是以元清入主中夏



時取得國家之政權，而終不能搖擻吾民族之正氣，且輾轉聽服於此正氣之下。顧民族文藝，其感人最深者，莫如詩。然待民族主義之標準，以選古人之歌詩亦誠難矣。吾見輓近輯錄，類多采南宋晚明忠義士抗節臨命之作，是非不足於忠烈之氣，然終惡其爲亡國之音。友人潘伯鷹曰：「國家今雖危辱，然負地猶東至海，西極崑崙。莫傑之士，繼前軌，納新流，應揚鳳起，上下一心，以光禹域，下焉者猶當列於夏康周宣，何宋明之足數哉！中興之音，充沛而雄，聞之者播夫有志，彼哀以思者不得比。」此所以欲得發揚我民族之歌詩，尙有待於來者之努力。而陳編斷句，僅足供作氣之資焉耳。宜黃歐陽氏不云乎！「國之強也，氣之雄也。國之亡也，氣之餒也。誰能使氣之餒而終於不餒耶？要此雖心刻骨之事常目在之而後可也。昔吳王以閭閻之死也，出入必使人呼曰：夫差，汝忘越王之殺汝父乎！則對曰：唯，不敢忘！三年遂報越。吾不懼乎國破家亡也，吾懼滅亡之事與時俱去，曾不一頓傷也。悲憤之激，不得其平，要使窮天地亙萬古而不沒者也。果窮天地亙萬古而不沒也，無悲之悲憤必得其平，會有時也。身語意業，無有疲

賦，林地樹鳥，皆演法音；且將轉五濁惡世於極樂國而無難也。痛定思痛，奔走呼號。窈窕夏零，杞哭城崩，天地亦爲之動容矣。獨有情乎哉！精衛銜木石，羣馬悲鳴而不食，百族且爲之傷感矣。獨人類乎哉！農傷於隴，工歎於肆，商忿於市，乃至釐不恤其緯而憂宗周之祚，舉國黔首，日夜腐心，或匼腕裂背而不可已矣。獨士君子乎哉！士君子者，懷寶贖罪，坐視陸沈，帝胄左衽，歌聲裂石穿雲，振古而今。是故此一篇者，乃奔走呼號之一聲也。嗚呼！一惟取奔走呼號之一聲，斯終於宋明作者未之能棄也。若夫覲顏事仇，歌誦聖德，有清二百餘年之詩，卒刪而不錄。附選丘逢甲者，聊爲他日民國之詩樹鵠云爾。鈔民族詩選竟，輯彙時賢論議，述厥旨以著於篇首。中華民國二十八年七七抗戰兩週年紀念日

盧 前

民族詩選目錄

無衣	詩秦風	一	擬古(錄二首)	同上	四
九歌國殤	屈原	一	代出自薊北門行	鮑照	五
大風歌	漢高帝	二	詠霍將軍北伐	虞羲	五
秋風辭	漢武帝	二	敕勒歌	斛律金	六
蒲梢天馬歌	同上	二	木蘭詩	無名氏	六
鼓吹鐃歌戰城南	同上	二	鄜邪王歌辭	同上	七
匈奴歌	同上	三	并州歌	同上	七
嵩里行	魏武帝	三	李波小妹歌	同上	七
飲馬長城窟行	陳琳	三	過易水	賈賓王	八
詠荆軻	陶潛	四	在軍登城樓	賈賓王	八

送別崔著作東征	陳子昂……………	八	結樓子	同上……………	一三
雜詩	沈佺期……………	八	從軍行	同上……………	一三
老將行	王維……………	九	送渾將軍出塞	高適……………	一三
送劉司直赴安西	同上……………	九	送董判官	同上……………	一四
贈裴長將軍	同上……………	〇	營州歌	同上……………	一四
送告八從軍	孟浩然……………	〇	行軍詩	岑參……………	一四
從軍行	王昌齡……………	〇	走馬川行奉送封大夫出師西征		
塞下曲	常建……………	〇	古從軍行	李頎……………	一五
戰城南	李白……………	一	涼州詞	王之涣……………	一五
胡無人	同上……………	一	北征	杜甫……………	一五
司馬將軍歌	同上……………	一	前出塞(錄三首)	同上……………	一七
塞下曲(錄三首)	同上……………	一二			

後山塞(錄三首) 同上……………一八

沈兵馬 同上……………一九

喜逢行在所三首 同上……………二〇

收京(錄一首) 同上……………二〇

投贈哥舒開府 同上……………二一

蜀相 同上……………二一

野望 同上……………二二

黃草 同上……………二二

聞官軍收河南河北 同上……………二二

詠懷古蹟(五首) 同上……………二二

八陣圖 同上……………二三

奉和嚴公軍城早秋 同上……………二四

承聞河北諸道節度入朝歡喜口號

同上……………二四

守睢陽作 張巡……………二四

送孫徵赴雲中 韋應物……………二五

送屈突司馬充安西書記 錢起……………二五

觀校獵上淮西相公 劉長卿……………二五

平蕃曲 同上……………二五

塞下曲 郎士元……………二六

夜行古戰場 竇庠……………二六

從軍別家 竇叢……………二六

和張僕射塞下曲 盧綸……………二六

城傍少年 李益……………二七

送御營官赴振武 李益……………二七

觀騎射 同上……………二七

聽曉角 同上……………二八

從軍詞 王涯……………二八

塞上曲(二首) 同上……………二八

塞下曲 同上……………二八

涼州行 王建……………二八

東征行 同上……………二九

猛將吟 孟郊……………二九

遊俠行 同上……………三〇

弔國孺 同上……………三〇

贈唐衢 韓愈……………三〇

次潼關先寄張十二閣老 同上……………三〇

桃符夜費晉公 同上……………三一

平蔡州 劉禹錫……………三一

西州 張籍……………三一

隴頭 同上……………三二

掖門太守行 李賀……………三二

壯士吟 賈島……………三二

劍客 同上……………三二

新製布裘 白居易……………三三

寄唐生 同上……………三三

俠客行 元稹……………三四

塞下曲 張翥……………三四

題烏江亭	韓 毅……………三四	河漢有感	司空圖……………三八
經故太尉段公廡	許 渾……………三五	與都統參謀書有感	同上……………三八
劍器詞	姚 合……………三五	猛虎行	李咸用……………三八
窮邊詞	同上……………三五	豫讓橋	胡 曾……………三八
少將	李商隱……………三六	滯池	同上……………三八
籌筆驛	同上……………三六	博浪沙	同上……………三九
涼州詞	薛 逢……………三六	赤壁	同上……………三九
送友人之塞北	李 頻……………三六	細柳營	同上……………三九
送邊將	同上……………三七	關山月	陳 陶……………三九
言懷	高 駢……………三七	代邊將	李九齡……………四〇
延平津	汪 遵……………三七	口占	花蕊夫人……………四〇
別離	陸龜蒙……………三七	從軍行	嚴 然……………四〇

哥舒歌

西鄙人……………四一

送張如京知安肅軍

歐陽修……………四四

獻錢尚父

貫休……………四一

西北

石介……………四五

老将

齊己……………四一

勸學示江原諸生

趙抃……………四五

絕句

呂巖……………四一

開行吟

邵雍……………四五

內宴應制

曹翰……………四二

秋日偶成

程顥……………四五

蠟燭

孫復……………四二

聞神謬米脂川大捷

王珪……………四六

經戰地

魯交……………四二

塞上

司馬光……………四六

古意

梅堯臣……………四二

邊將

同上……………四六

兵

同上……………四二

潭州

王安石……………四七

送馬仲塗司諫使北

同上……………四三

宰嚭

同上……………四七

吾聞

蘇舜欽……………四三

陽關詞贈張繼原

蘇軾……………四七

寄常彦樹

同上……………四三

次韻游景叔聞洮河捷報寄諸將

黃庭堅……………四八

和謝公定河朔漫成 同上……………四八

少年行 張耒……………四八

聽客話澶淵事 同上……………四九

某已被旨移蔡賊起旁郡未果進發今日上城

部分民兵閱視戰艦口號

韓駒……………四九

西捷乞致仕 章叟……………五〇

衣襟中詩 李若水……………五〇

臨終作 何中……………五〇

絕命辭 王士敏……………五〇

哭宗留守 李綱……………五〇

江行 同上……………五一

初入潭州 同上……………五二

降馬友餘黨步諒等 同上……………五二

感時（有序） 宗澤……………五二

安西聞捷 楊時……………五三

寄盧中甫 許景衡……………五三

題姚忠毅公廟 林宋璋……………五三

寶刀歌 岳飛……………五四

送紫岩張先生北伐 同上……………五四

誄適齋先生 同上……………五四

題驢馬圖 同上……………五五

題翠微寺 同上……………五五

寄浮屠慧海 同上……………五五

池州翠微亭 同上……………五六

駐兵新塗題伏臘寺壁 同上……………五六

四不忍 劉子帶……………五六

汴京紀事 同上……………五七

沈兒 朱松……………五八

諸公分韻躡冒頓之區落焚老上之請庭得老

庭字 張孝祥……………五八

州橋 范成大……………五九

宣德樓 同上……………五九

初入淮河 楊萬里……………五九

書志 陸游……………五九

秋懷 同上……………六〇

九月十六日夜夢駐軍河外遣使招降諸城覺

而有作 同上……………六〇

曉歎 同上……………六一

關山月 同上……………六一

戰城南 同上……………六二

樓上醉書 同上……………六二

大雪歌 同上……………六二

大將出師歌 同上……………六三

大陽道中遇大雪 同上……………六三

醉歌 同上……………六四

秋風曲 同上……………六四

焉者行	同上	六五
寒夜歌	同上	六五
隴頭水	同上	六五
長歌行	同上	六六
送辛幼安殿撰造朝	同上	六六
昔日	同上	六七
縮筆	同上	六七
小出塞曲	同上	六八
新夏感事	同上	六八
聞武均州報已復西京	同上	六八
歸次漢中境上	同上	六八
醉中感懷	同上	六九

八月廿六日嘉州大閱	同上	六九
病起書懷	同上	六九
月下醉題	同上	六九
萬里橋江上習射	同上	七〇
憶山南	同上	七〇
夜泊水村	同上	七〇
感憤	同上	七一
書懷	同上	七一
縱筆	同上	七一
書憤	同上	七二
感憤	同上	七二
書憤	同上	七二

北望感憤	同上……………	七二
秋夜思南鄭軍中	同上……………	七三
劍門城北回望劍關諸峯青入雲漢感蜀亡事	同上……………	七三
慨然有賦	同上……………	七三
龍興寺弔少陵先生寓居	同上……………	七三
湖村月夕	同上……………	七三
夜寒	同上……………	七四
雪中忽起從戎之興戲作	同上……………	七四
塞上曲	同上……………	七四
北望	同上……………	七四
秋夜將曉出籬門迎涼有感	同上……………	七五
夜讀范致能滄澠錄言中原父老見使者多揮	同上……………	七五
涕感其事	同上……………	七五
排悶	同上……………	七五
感事	同上……………	七五
書事	同上……………	七六
冬夜聞角聲	同上……………	七六
示兒	同上……………	七六
謝楊文昭主簿寄詩楊之父紹興間倅建康不	同上……………	七六
屈於兀朮而死	張栻……………	七七
讀近時樂府	薛季宣……………	七七
宿南京	許及之……………	七七
登第一山	同上……………	七七
歸途觀蘆溝橋	同上……………	七八

光武廟	同上……………七八	讀荆軻傳	高斯得……………八一
滎曹娥廟	同上……………七八	孤憤吟	同上……………八二
少時作	陸九淵……………七八	正氣歌	文天祥……………八三
許胎北望	戴復古……………七九	常州	同上……………八五
從軍樂	劉過……………七九	鎮江	同上……………八五
國殤行	劉克莊……………七九	安慶府	同上……………八五
軍中樂	同上……………七九	建康	同上……………八六
大梁老人行	同上……………八〇	眞州驛	同上……………八六
朝陵行	同上……………八〇	過零丁洋	同上……………八六
題繫年錄	同上……………八〇	金陵驛	同上……………八七
聞何立可李茂欽詩	同上……………八一	秦和	同上……………八七
真中絕句	李易安……………八一	感興	同上……………八七

紀事	同上	八八	散髮	同上	九三
則堂	同上	八九	過杭州故宮	同上	九三
二王	同上	九〇	重過	同上	九三
衣帶贊	同上	九〇	浮丘道人招魂歌	汪元量	九三
書几上詩	趙卯發	九一	湖州歌	同上	九五
臨難寄仲子	陳文龍	九一	越州歌	同上	一〇〇
題鶴林寺	陸秀夫	九一	醉歌十首	同上	一〇一
文丞相兵挫循州詩以送之	李春叟	九一	城下歌	同上	一〇二
哭陸秀夫	方鳳	九二	題陸放翁詩卷後	林景熙	一〇二
哭橋陵	何夢桂	九二	夢中作	同上	一〇二
梅邊	同上	九二	宋武帝居今爲壽邱寺	同上	一〇三
西台哭所思	謝翱	九二	大杜鰲	同上	一〇三

春君聞杜鵑	謝枋得……	一〇三
寄南北友人	家鉉翁……	一〇三
陷虜歌	鄭思肖……	一〇四
寫憤	同上……	一〇五
寫憤	同上……	一〇五
自挽	同上……	一〇六
自題大義集後	同上……	一〇六
東粵廟	真山民……	一〇六
題汪冰雲湖山類稿	李珣……	一〇七
蘇李泣別圖	劉辰翁……	一〇七
宣政末所作	馬定國……	一〇七
題五丈原武侯廟	郝居中……	一〇七

雪中過虎牢	李汾……	一〇七
壬辰十二月車駕東狩後御事	元好問……	一〇八
橫波亭	同上……	一〇九
秋日載酒光武廟	同上……	一〇九
宋理宗南樓風月橫披	劉因……	一〇九
搏浪沙	陳孚……	一〇九
音鄂王墓	趙孟頫……	一一〇
送人從軍	揭傒斯……	一一〇
拒馬河	傅若金……	一一〇
岳魯王墓	林泉生……	一一一
西湖竹枝詞	予立……	一一一

裂帛書詩 何氏……………一一

座上題詩 徐氏……………一一

贈夏耆 無名氏……………一一

弔夏貴墓 同上……………一一

從軍五更轉 劉基……………一一

從軍 陳汝言……………一一

李陵泣別圖 袁凱……………一一

阿那瓌 高啓……………一一

吳鉤行 同上……………一一

少年行 同上……………一一

錢塘懷古 張以寧……………一一

過辛稼軒神道弔以詩 同上……………一一

龍州懷孤臺弔辛稼軒作 同上……………一一

嘉興有感陸宣公事 同上……………一一

題鄭所南室 王賓……………一一

勉學詩 方孝孺……………一一

登北固山懷古 姚廣孝……………一一

詠石灰 于謙……………一一

征夫詞 劉績……………一一

征婦詞 同上……………一一

匡山大忠詞 陳獻章……………一一

匡山弔陸公祠 同上……………一一

題匡山石陰詩 同上……………一一

宿松山所遇孟玉千戶老而能言談開闢以來

邊事歷歷可聽次日蚤趨凌河驛道中述其語

爲四絕

姚夔……一一八

關士行

李東陽……一一九

登閩江樓

王守仁……一一九

回軍九連山道中短述

同上……一一九

書草莽驛

同上……一一九

南浦道中

同上……一二〇

朱僊鎮廟

李夢陽……一二〇

經行塞上

同上……一二〇

諸將入朝歌

何景明……一二一

感事

邊貢……一二三

聞警

蘇祐……一二二

登喜峯古城

唐順之……一二二

古北口

同上……一二二

蔚州歌

尹耕……一二三

戚將軍贈寶劍歌

王世貞……一二三

漠北詞

謝榛……一二三

塞上歌送王侍郎赴薊鎮

宗臣……一二三

寒夜和敬所韻

楊繼盛……一二三

朝審途中口吟

同上……一二四

臨行詩

同上……一二四

凱歌

戚繼光……一二四

監忠樓詩

同上……一二五

辛亥年戍邊有感

同上……一二五

頌任公

同上……一二八

登盤山絕頂

同上……一二五

海夷

王穉登……一二八

過文登營

同上……一二五

宗將軍戰場歌

同上……一二九

紀事

同上……一二六

凱歌

沈明臣……一三〇

塞外觀音岩

同上……一二六

龜山凱歌

徐渭……一三〇

湯泉大閱

同上……一二六

宴遊爛柯山

同上……一三〇

寄書

同上……一二七

涼州詞

張恒……一三一

送戚都護歸田

陳第……一二七

宿朱仙鎮

袁宏道……一三一

後出塞

同上……一二七

徵兵

龔以偉……一三一

塞上曲

張四維……一二七

過恨者關

熊廷弼……一三一

題周冕贈任別駕卷

歸有光……一二八

過穆陵關

盧象昇……一三一

海上紀事

同上……一二八

過太平驛

同上……一三一

贈秦良玉

明思宗……一三五

臨行絕命詞

左忠肅……一三六

自贊

劉理順……一三五

寓中清明雜興

祁庭佳……一三六

絕命詞

王士和……一三三

題案詩

同上……一三六

絕筆

許直……一三三

江上曲

孫臨……一三六

絕句

成德……一三四

痛哭

黃淳耀……一三六

絕命辭

劉良謨……一三四

從軍行

黃端伯……一三七

示汀兒

劉宗周……一三四

絕命辭

同上……一三七

絕命辭

同上……一三四

觀兵泥濘池寺壁

吳應箕……一三七

登北固

徐石麒……一三五

至南京

同上……一三八

夜發靜海抵直沽

同上……一三五

西山

麻三衡……一三八

燕子磯口占

史可法……一三五

被執時題詩

同上……一三九

憶母

同上……一三五

絕命辭

張秉純……一三九

南京客舍	戴重……一三九	絕命詩	顧所受……一四二
絕命辭	同上……一三九	絕命詩	陸培……一四二
述志	許士楷……一四〇	絕命詞	張錫眉……一四二
題仁書後	吳爾璵……一四〇	絕命習	王玉藻……一四三
題表	凌駟……一四〇	題案詩	趙天生……一四三
題表絕筆	凌潤生……一四一	過新嶺	黃道周……一四三
題衣上詩	吳可箕……一四一	絕命詞	同上……一四三
贈友人	葛麟……一四一	絕命詞	陳函輝……一四三
絕命詞	文乘……一四一	絕命詞	余焯……一四四
書衣襟	高孝纘……一四一	絕筆	陳潛夫……一四四
題壁	劉成治……一四一	登采石贈諸將	張國維……一四五
題橋柱	馬純仁……一四二	絕命詞	同上……一四五

至日感懷

袁繼成……一四六

謁明孝陵

同上……一四九

自銘

同上……一四六

絕筆

夏完淳……一四六

金壇縣南五里顧龍山上有高皇帝御題詞一

閱

顧炎武……一四七

重謁孝陵

同上……一四七

絕命辭

瞿式耜……一四七

祝髮偈

錢邦芭……一四七

舟泊匡山詩

陳恭尹……一四八

弔寧武周將軍

屈大均……一四八

舊京感懷

同上……一四八

書贈義軍舊書記

丘逢甲……一四九

民
族
詩
選
目
錄

民族詩選

無衣

詩秦風

豈曰無衣，與子同袍。王于興師，修我戈矛。與子同仇。
豈曰無衣，與子同澤；王于興師，修我矛戟。與子偕作。
豈曰無衣，與子同裳。王于興師，修我甲兵。與子偕行。

九歌國殤

屈原

操吳戈兮被犀甲，車錯轂兮短兵接。旌蔽日兮敵若雲，矢交墜兮士爭先。凌余陣兮躪余行，左騶殪兮右刃傷。雷兩輪兮冀四馬，援玉袍兮擊鳴鼓。天時墜兮威靈怒，嚴殺盡兮棄原野。出不入兮往不返，平原忽兮路超遠。帶長劍兮執秦弓，首身離兮心不繆。誠既勇兮又以武，終剛強兮不可侮。身既死兮神以靈，子魂魄兮爲鬼雄。

大風歌

漢高帝

大風起兮雲飛揚，威加海內兮歸故鄉。安得猛士兮守四方！

秋風辭

漢武帝

秋風起兮白雲飛，草木黃落兮雁南歸。蘭有秀兮菊有芳，懷佳人兮不能忘。汎樓船兮濟汾河，橫中流兮揚素波。簫鼓鳴兮發棹歌，歡樂極兮哀情多。少壯幾時兮奈老何！

蒲梢天馬歌

漢武帝

天馬徠兮從西極，經萬里兮歸有德。承靈感兮降外國，涉流沙兮四夷服。

鼓吹鏡歌戰城南

戰城南，死城北。野死不葬烏可食。爲我謂烏且爲客豪，野死諒不葬，腐肉安能去子逃。水深激激，蒲葦冥冥，梟騎戰鬥死，驚馬徘徊鳴。梁築室，室何以南梁何北？禾黍不穫君何食！願爲忠臣安可得，思子良臣，良臣誠可思，朝行出攻，莫不夜歸。

匈奴歌

失我焉支山，令我婦女無顏色！失我祁連山，使我六畜不蕃息！

蒿里行

魏武帝

關東有義士，興兵討羣凶。初期會孟津，乃心在成陽。軍合力不齊，躊躇而雁行。勢利使人爭，鬪還自相戕。淮南弟稱號，剗墮於北方。鎧甲生蟻蝨，萬姓以死亡。白骨露於野，千里無雞鳴。生民百遺一，念之斷人腸！

飲馬長城窟行

陳琳

飲馬長城窟，水寒傷馬骨。往謂長城吏，慎莫羈留太原卒。官作自有程，舉築諧汝聲。男兒寧當格鬥死，何能怫鬱築長城。長城何連連？連連三千里。邊城多健少，內舍多寡婦。作書與內舍，便嫁莫留住。善待新姑嫜，時時念我故夫子，報書往邊地，君今出語一何鄙！身在禍難中，何爲稽留他家子？生男慎莫舉，生女哺用脯。君獨不見長城下，

死人骸骨相撐拄。結髮行事君，慷慨心意間。明知邊地苦，賤妾何能久自全！

詠荆軻

陶潛

燕丹善養士，志在報強秦。招集百夫良，歲暮得荆卿。君子死知己，提劍出燕京。素驥鳴廣陌，慷慨送我行。雄髮指危冠，猛氣充長纓。飲饒易水上，四座列悲英。漸離擊悲筑，宋意唱高聲。蕭蕭哀風道，澹澹寒波生。商音更流涕，猶奏壯士驚。心知去不歸，且有後世名。登車何時顧，飛蓋入秦庭。凌厲越萬里，逶迤過千城。圖窮事自至，豪主正怔營。惜哉劍術疎，奇功遂不成。其人雖已沒，千載有餘情！

擬古錄二首

陶潛

少時壯且厲，撫劍獨行遊。誰言行遊近？曠掖至幽州。饑食首陽薇，渴飲易水流。不見相知人，惟見古時邱。路邊兩高墳，伯牙與莊周。此士難再得，吾欲行何求！

種桑長江邊，三年望當採。枝條始欲茂，忽值山河改。剝葉自摧折，根株浮滄海。春

既無食，寒衣欲誰待？本不值高原，今日復何悔。

代出自薊北門行

鮑照

羽檄起邊亭，烽火入咸陽，徵師屯廣武，分兵救朔方。嚴秋筋竿勁，胡陣驚且疆。天子按劍怒，使者遙相望。嚴行綠石徑，魚貫度飛梁。蕭鼓流漢麗，族甲被胡霜。疾風衝塞起，沙礫自飄揚。馬毛縮如蝟，角弓不可張。時危見臣節，世亂識忠良。投軀報明主，身死爲國殤。

詠霍將軍北伐

虞羲

擁旄爲漢將，汗馬出長城。長城地勢險，萬里塞雲平。沙磧八九月，胡騎入幽并。飛狐白日晚，瀚海積雲生。羽書時斷絕，刁斗晝夜驚。乘墉揮寶劍，蔽日引高旌。雲屯七萃士，魚麗六羣兵。胡笳斷下思，羌笛隴頭鳴。骨都先自警，日逐次亡精。玉門罷斥嫺，甲第始修營。位登萬族積，功立百行成。天長地自久，人道有虧盈。未窮激楚樂，已見

高臺傾。當令麟閣上，千載有雄名。

敕勒歌

辨律金

敕勒川，陰山下。天似穹廬，籠蓋四野。天蒼蒼，野茫茫，風吹草低見牛羊！

木蘭詩

無名氏

唧唧復唧唧，木蘭當戶織，不聞機杼聲，惟聞女歎息。問女何所思？問女何所憶？女亦無所思，女亦無所憶。昨夜見軍帖，可汗大點兵。軍書十二卷，卷卷有爺名。阿爺無大兒，木蘭無長兄。願爲市鞍馬，從此替爺征。東市買駿馬，西市買鞍韉。南市買轡頭，北市買長鞭。朝辭爺孃去，暮宿黃河邊。不聞爺孃喚女聲，但聞黃河水鳴濺濺。旦辭黃河去，暮至黑水頭。不聞爺孃喚女聲，但聞燕山胡騎聲啾啾。萬里赴戎機，關山度若飛。朔氣傳金柝，寒光照鐵衣。將軍百戰死，壯士十年歸，歸來見天子，天子坐明堂，策勳十二轉，賞賜百千疆。可汗問所欲？木蘭不用尚書郎。願馳千里足，送兒還故鄉。

爺孃聞女來，出郭相扶將。阿姊聞妹來，當戶理紅妝。小弟聞姊來，磨刀霍霍向豬羊。開我東閣門，坐我西閣牀。脫我戰時袍，著我舊時裳。當窗理雲鬢，對鏡帖花黃。出門看火伴，火伴始驚惶。同行十二年，不知木蘭是女郎。雄兔脚撲朔，雌兔眼迷離。兩兔傍地走，安能辨我是雄雌？

瑯邪王歌辭

無名氏

新買五尺刀，懸著中梁柱。一日三摩娑，劇於十五女。快馬韁高髯，遙知身是龍。誰能騎此馬？唯有廣平公。

并州歌

無名氏

士爲將軍何可羞，六月重綢披狐裘，不識寒暑斷人頭。雄兒出蘭爲報仇，中夜斬首謝并州。

李波小妹歌

無名氏

李波小妹字雍容，褰裙逐馬如卷蓬。左射右射必雙，婦女尚如此，男子安可逢！

過易水

駱賓王

此地別燕丹，壯士髮衝冠。昔時人已沒，今日水猶寒。

在軍登城樓

駱賓王

城上風威冷，江中水氣寒。戎衣何日定？歌舞入長安。

送別崔著作東征

陳子昂

金天方肅殺，白露始專征。王帥非樂戰，之子慎佳兵。海氣侵南部，邊風掃北平。莫賣盧龍塞，歸邀麟閣名。

雜詩

沈佺期

聞道黃龍戍，頗字不解兵。可憐聞裏月，偏照漢家營。少婦今春意，良人昨夜情。誰能將旗鼓，一爲取龍城！

老將行

王維

少年十五二十時，步行奪取胡馬驕。射殺山中白額虎，骨數鄰下黃鬃兒。一身轉戰三千里，一劍曾當百萬師。漢兵奔迅如雷震，虜騎崩騰畏蕩蕩。衛青不敗由天幸，李廣無功緣數奇。自從秦置便家朽，世事蹉跎成白首。昔時飛箭無今日，今日垂楊生左肘。路旁時賣故侯瓜，門前學種先生柳。蒼茫古木連窮巷，寥落荒山對虛牖。誓令疏勒出飛泉，不似潁川空使酒。祁蘭山下陣如雲，羽檄交馳日夕聞。節使三河募年少，詔書五道出將軍。試拂鐵衣如雪色，聊持寶劍動皋文。願得燕弓射天將，恥令越甲鳴吾君。莫嫌舊日雲中守，猶堪一戰立功勳。

送劉司直赴安西

王維

絕域陽關道，胡沙與塞塵。三春時有雁，萬里少行人。首帶隨天馬，葡萄逐漢臣。當令外國懼，不敢覓和親。

贈裴旻將軍

王維

腰間寶劍七星文，臂上瑠弓百戰勳。見說雲中擒黠虜，始知天上有將軍。

送告八從軍

孟浩然

男兒一片氣，何必五車書。好勇方過我，多才便起予。運籌將入幕，養拙就閑居。正待功名遂，從君繼兩疏。

從軍行

王昌齡

青海長雲暗雪山，孤城遙望玉門關。黃沙百戰穿金甲，不破樓蘭終不還。秦時明月漢時關，萬里長征人未還。但使龍城飛將在，不教胡馬度陰山。大漠風塵日色昏，紅旗半卷出轅門。前車夜戰洮河北，已報生擒吐谷渾。

塞下曲

常建

玉帛朝回望帝鄉，烏孫歸去不稱王。天涯靜處無征戰，兵氣銷爲日月光。

戰城南

李白

去年戰桑乾源，今年戰葱河道。洗兵條支海上波，放馬天山雪中草。萬里長征戰，三軍盡衰老。匈奴以殺戮爲耕作，古來唯見白骨黃沙田。秦家築城備胡處，漢家還有烽火燃。烽火燃不息，征戰無已時。野戰格鬥死，敗馬號鳴向天悲。烏鳶啄人腸，啣飛上掛枯樹枝。士卒塗草莽，將軍空爾爲！乃知兵者是凶器，聖人不得已而用之。

胡無人

李白

嚴風吹霜海草凋，筋幹精堅胡馬驕。漢家戰士三十萬，將軍兼領霍嫖姚。流星白羽腰間插，劍花秋蓮光出匣。天兵照雪下玉關，虜劍如沙射金甲。雲龍風虎盡交回，太白入月敵可摧。敵可摧，旄頭滅，履胡之腸涉胡血。懸胡青天上，埋胡紫塞旁，胡無人，漢道昌，陛下之壽三千霜。但歌大風雲飛揚，安用猛士兮守四方！

司馬將軍歌

李白

狂風吹古月，竊弄豪華臺。北落明星動光彩，南征猛將如雲雷。手中電曳倚天劍，直斬長鯨海水開。我見樓船心日，頗似龍驤上三蜀。揚兵習戰張虎旗，江中白浪如銀屋。身居玉帳臨河寇，紫髯黑鬚定名將。細柳營開揖天子，始知端上爲嬰孩。恙笛橫吹阿鞞迤，向月樓中吹落梅。將軍自起舞長劍，壯士呼聲動九垓。功成獻凱見明主，丹青畫像麒麟臺。

塞下曲 錄三首

李白

五月天山雪，無花只有寒。笛中聞折柳，春色未曾看。曉戰隨金鼓，宵眠抱玉鞍。願將腰下劍，直爲斬樓蘭。

駿馬似風飈，鳴鞭出渭橋。彎弓辭漢月，插羽破天驕。陣解星芒盡，營空海霧消。功成畫麟閣，獨有霍嫖姚。

塞虜乘秋下，天兵出漢家。將軍分虎竹，戰士臥龍沙。邊月隨弓影，胡霜拂劍花。玉關殊未入，少婦莫長嗟。

結襪子

李白

燕南壯士吳門豪，箇中直鉞魚龍刀。威君恩許君命，太山一擲輕鴻毛。

從軍行

李白

百戰沙塲碎鐵衣，城南已合數重圍。突營射殺呼延將，獨領殘兵千騎歸。

送渾將軍出塞

高適

將軍族貴兵且強，漢家已是渾邪王。子孫相承在朝野，至今部曲燕支下。控弦盡用陰山兒，登陣長騎大宛馬。銀鉸玉勒繡垂弧，每逐嫖姚破骨都。李廣從來先將士，衛青未肯學孫吳。傳有沙塲千萬騎，昨日邊庭羽書至。城頭畫角三四聲，匣裏寶刀晝夜鳴。意氣能甘萬里去，辛勤制作一年行。黃雲白草無前後，朝建旌旗夕刁斗。塞下應多俠少年，關西不見春楊柳。從軍借問所從誰？擊劍酣歌當此時。遠別無輕繞朝策，平戎早寄仲宣詩。

送董判官

高適

逢君說行邁，倚劍別交親。幕府爲才子，將軍作主人。近關多雨澤，出塞有風塵。長策須當用，男兒莫顧身！

營州歌

高適

營州少年厭原野，狐裘蒙茸獵城下。虜酒千鐘不醉人，胡馬十歲能騎馬。

行軍詩

岑參

早知逢世亂，少小謾讀書。悔不學彎弓，向東射狂胡。偶從諫官列，謬向丹雘趨。未能匡吾君，虛作一丈夫。撫劍傷世路，哀歌泣良圖。功業今已遲，覽鏡悲白鬚。平生抱忠義，不敢私微軀。

走馬川行奉送封大夫出師西征

岑參

君不見走馬川行雪海邊，平沙莽莽黃入天。輪臺九月風夜吼，一川碎石大如斗。隨風滿

地石亂走。匈奴草黃馬正肥，金山西見烟塵飛。漢家大將西出師，將軍金甲夜不脫。半夜軍行戈相撥，風頭如刀面如割。馬尾帶雪汗氣蒸，五花連錢旋作冰。幕中草檄視水凝。虜騎聞之應膽懼，料知短兵不敢接，軍師西門佇獻捷！

古從軍行

李 頎

白日登山望烽火，黃昏飲馬傍交河。行人刁斗風沙暗，公主琵琶幽怨多。野營萬里無城郭，雨雪紛紛連大漠。胡雁哀鳴夜夜飛，胡兒眼淚雙雙落。聞道玉門猶閉遮，應將性命逐輕車。年年戰骨埋荒外，空見葡萄入漢家。

涼州詞

王之渙

單于北望拂雲堆，殺馬登壇祭幾迴。漢家天子今神武，不肯和親歸去來。

北征

杜 甫

皇帝二載秋，閏八月初吉。杜子將北征，蒼茫問家室。維時遭艱虞，朝野少暇日。顧慙

恩私被，詔許歸蓬幕。拜辭語闕下，輒揚久未出。雖乏諫諍姿，恐君有遺失。君誠中興
 主，經緯固密勿。東胡反未已，臣甫當所切。揮涕戀行在，道途猶恍惚。乾坤含瘡痍，
 憂虞何踴畢。塵塵逾阡陌，人煙盡蕭瑟。所遇多被傷，呻吟更流血。迴首鳳翔縣，旌旗
 晚明滅。前登寒山重，屢得飲馬窟。郊入地底，涇水中蕩瀉。猛虎立我前，蒼崖吼時
 裂。菊垂今秋花，石戴古車轍。青雲動高興，幽事亦可悅。山果多瑣細，羅生雜橡栗。
 或紅如丹砂，或黑如點漆。雨露之所濡，甘苦齊結實。緬思桃源內，益歎身世拙。坡陀
 望鄴時，巖谷互出沒。我行已水濱，我僕猶木末。鳴臬鳴黃桑，野鼠拱亂穴。夜深經戰
 塲，寒月照白骨。潼關百萬師，往者散何卒。遂令半秦民，殘害爲異物。况我墜胡塵，
 及歸盡華髮。經年五朔屋，妻子衣百結。猶哭松聲迴，悲昂共幽咽。平生所嬌兒，顏色
 白勝雪。見耶背面啼，婿脚不襪。床前小女，精純才過膝。海圖拆波濤，舊繡移曲
 折。天吳及紫鳳，顛倒短髮。老夫情懷惡，嘔吐臥數日。那無囊中帛，救汝寒凜慄。
 粉黛亦解色，衾裯稍羅列。瘦妻面復光，癡女頤自飾。學母無不爲，曉妝隨手抹。移時

施朱鉛，狼藉畫眉闌。生還對童稚，似欲忘飢渴。問事競挽鬚，誰能卽噴喝。翻思在賊
愁，甘受雜亂聒。新歸且慰意，生理焉得說！至尊尙蒙塵，幾日休練卒。仰觀天色改，
坐覺妖氛輟。陰風西北來，慘淡隨回鶻，其王願助順，其俗善馳突。送兵五千人，驅馬
一萬匹。此輩可爲貴，四方服勇決。所用皆鷹騰，破敵過箭疾。聖心頗虛位，時議氣欲
奪。伊洛指掌收，西京不足拔。官軍請深入，蓄銳可俱發。此舉開青徐，旋瞻略恆碣。
吳天積霜露，正氣有肅殺。禍轉亡胡歲，勢成擒胡月。胡命其能久，皇綱未宜絕。憶昨
異類初，事與古先別。姦臣竟塗醢，同惡隨蕩析。不聞夏殷衰，中自誅褒姒。周漢獲再
興，宣光果明哲。桓桓驍將軍，伏鉞奮忠烈。微爾人盡非，于今國猶活。淒涼大同殿，
寂寞白獸園。都人望翠華，佳氣向金闕。園陵固有神，掃酒數不缺。煌煌太宗業，樹立
甚宏達。

前出塞 錄三首

杜甫

磨刀鳴咽水，水亦刃傷手。欲輕腸斷聲，心緒亂已久。丈夫誓許國，憤惋復何有。功名

鏑鼓懸，戰骨當速朽。

挽弓當挽強，用箭當用長。射人先射馬，擒賊先擒王。殺人亦有限，列國自有疆。苟能制侵陵，豈在多殺傷。

單于寇我壘，百里風塵昏。雄劍四五動，彼軍爲我奔。擄其名王歸，繫頸授轅門，潛身備行列，一勝何足論。

後出塞 錄三首

杜甫

男兒生世間，及壯當封侯。戰伐有功業，焉能守舊邱。召募赴薊門，軍動不可留。千金買馬鞍，百金裝刀頭。關里送我行，親戚擁道周。斑白居上列，酒酣進庶羞。少年別有贈，含笑看吳鉤。

朝進東門營，暮上河陽橋。落日照大旗，馬鳴風蕭蕭。平沙列萬幕，部伍各見招。中天懸明月，令嚴夜寂寥。悲筋數聲動，壯士慘不驕。借問大將誰？恐是霍嫖姚。

古人重守邊，今人重高勳。豈知英雄主，出師亘長雲。六合已一家，四夷且孤軍。遂使

振虎士，奮身勇所聞。拔劍擊大荒，日收胡馬羣。誓開玄冥北，持以奉吾君。

洗兵馬

杜甫

中興諸將收山東，捷馬夜報清書同。河廣傳聞一葦過，胡危命在破竹中。祇殘鄴城不日得，獨任朔方無限功。京師皆騎汗血馬，回紇餒肉蒲萄宮。已喜皇威清海岱，常思仙仗過崆峒。三年笛裏關山月，萬國兵前草木風。成王功夫心轉小，郭相謀深古來少。司馬清賢懸明鏡，尚書氣與秋天杳。二三豪俊爲時出，峇頓乾坤濟時了。東走無復憶鱸魚，南飛覺有安巢鳥。青春復隨冠冕入，紫禁正耐煙花繞。鶴禁連霄鳳瑩備，雞鳴問寢龍樓曉。攀龍附鳳勢莫當，天下化盡爲侯王。汝等豈知蒙帝力，時來不覺誇身強。關中旣留蕭丞相，幕下復用張子房。張公一生江海客，身長九尺鬚眉蒼。徵起適遇風雲會，扶顛始知籌策長。青袍白馬更何有？後漢今周喜再昌。寸地尺天皆入貢，奇祥異瑞爭來送。不知何國致白環，復道諸山得銀鬘。關士休歌紫芝曲，詭人解選清河頌。田家望望惜雨乾，布穀處處催春種。淇上健兒歸莫懶，城南思婦愁多夢。安得壯士換天河，淨洗甲兵

長不用。

喜達行在所三首

杜 甫

西憶岐陽信，無人遂却迴。眼穿當落日，心死著寒灰。霧樹行相引，蓮峰望忽開。所親
驚老瘦，辛苦賊中來。

愁思胡笳夕，淒涼漢苑春。生還今日事，閒道暫時人。司隸章初覩，南陽氣已新。喜心
翻倒極，嗚咽淚霑巾。

死去憑誰報？歸來始自憐。猶瞻太白雪，喜遇武功天。影靜千官裏，心蘇七校前。今朝
漢社稷，新數中興年。

收京 錄一首

杜 甫

汗馬收宮闕，春城鏜賊壕。賞應歌杖杜，歸及薦櫻桃。雜虜橫戈數，功臣甲第高。萬方
頻送喜，無乃聖躬勞。

投贈哥舒開府翰二十韻

杜甫

今代麒麟圖，何人第一功？君王自神武，駕馭必英雄。開府當朝傑，論兵邁古風。先鋒百勝在，一路地兩隅空。青海無傳箭，天山早挂弓。靈頰仍走敵，魏絳已和戎。每惜河源棄，新兼節制通。智謀垂睿想，出入冠諸公。日月低秦樹，乾坤繞漢宮。胡人愁逐北，苑馬又從東。受命邊沙遠，歸來御席同。軒墀曾寵鶴，政獵舊非熊。茅土加名數，山河誓始終。策行邊戰伐，契合動昭融。勳業青冥上，交親氣概中。未爲朱履客，已見白頭翁。壯節初題柱，生涯獨轉蓬。幾年春草歇，今日暮途窮。軍事留孫楚，行間識呂蒙。防身一長劍，將欲依崆峒。

蜀相

杜甫

丞相祠堂何處尋？錦官城外柏森森。映階碧草自春色，隔葉黃鸝空好音。三顧頻煩天下計，西朝開濟老臣心。出師未捷身先死，長使英雄淚滿襟。

野望

杜甫

西山白雪三城戍，南浦清江萬里橋。海內風塵諸弟隔，天涯涕淚一身遙。惟將遲暮供多病，未有涓埃答聖朝。跨馬出郊時極目，不堪人事日蕭條。

黃草

杜甫

黃草峽西船不歸，赤甲山下行人稀。秦中驛使無消息，蜀道兵戈有是非。萬里秋風吹鶴水，誰家別淚濕羅衣。莫愁劍閣終堪據，蜀道松州已被圍。

聞官軍收河南河北

杜甫

劍外忽傳收蘄北，初聞涕淚滿衣裳。却看妻子愁何在，漫卷詩書喜欲狂。白日放歌須縱酒，青春作伴好還鄉。即從巴峽穿巫峽，便下襄陽向洛陽。

詠懷古蹟五首

杜甫

支離東北風塵際，飄泊西南天地間。三峽樓臺淹日月，五溪衣服共雲山。羯胡事王終無

賴，詞客哀時且夫遠。庾信平生最蕭瑟，暮年詩賦勸江關。

搖落深知宋玉悲，風流儒雅亦吾師。悵望千秋一洒淚，蕭條異代不同時。江山故宅空文藻，雲雨荒臺豈夢思。最是楚宮俱泯滅，舟人指點到今疑。

羣山萬壑赴荆門，生長明妃尚有村。一去紫臺連朔漠，獨留青塚向黃昏。畫闕省識春風面，環珮空歸月夜魂。千載琵琶作胡語，分明怨恨曲中論。

蜀主窺吳幸三峽，崩年亦在永安宮。翠華想像空山裏，玉殿虛無野寺中。古廟杉松巢水鶴，歲時伏獵走村翁。武侯祠屋常隣近，一體君臣祭祀同。

諸葛大名垂宇宙，宗臣遺像肅清高。三分割據紆籌策，萬古雲霄一羽毛。伯仲之間見伊呂，指揮若定失蕭曹。運移漢祚終難復，志決身殲軍務勞。

八陣圖

杜甫

功蓋三分國，名成八陣圖。江流石不轉，遺恨失吞吳。

奉和嚴公軍城早秋

杜甫

秋風料峭動高旌，玉帳分弓射野營。已收瀟博雲間戍，更奪蓬婆雪外城。

承聞河北諸道節度入朝歡喜口號

杜甫

社稷蒼生計必安，蠻胡雜種錯相干。周宣漢武今王是，孝子忠臣後代看。

險阻道路好黃鸝，河北將軍盡入朝。自是乾坤王室正，卻教江漢客魂銷。

東逾遼水北滹沱，星象風雲喜共和。紫氣關臨天地闊，黃金臺貯俊賢多。

李相將軍擁節門，白頭惟有赤心存。竟能盡說諸侯入，知有從來天子尊。

十二年來多戰場，河嶽已忘陣堂堂。神靈漢代中興主，功業汾陽異姓王。

守隴陽作

張巡

接戰春來苦，水城日漸危。合圍每月量，分守若魚鱗。屢厭黃塵起，時將白羽揮。裏營猶出陣，飲血更登陴。忠信難離敵，堅貞諒不移。無人報天子，心計欲何施！

送孫徵赴雲中

韋應物

黃聽少年無雙戟，目視傍人皆辟易。百戰曾誇隴上兒，一身復作雲中客。寒風動地氣蒼茫，橫吹先悲出塞長。鼓石軍中傳夜火，斧冰河畔汲朝漿。前鋒直指陰山外，虜騎紛紛翳應碎。匈奴破盡看君歸，金印酬功如斗大。

送屈突司馬充安西書記

錢起

制勝三軍勁，澄清萬里餘。星飛龐統驥，箭發魯連書。海月抵雲旆，江霞入錦車。遙知太阿劍，計日斬鯨魚。

觀校獵上淮西相公

劉長卿

龍潭校獵郡陵東，野火初燒楚澤空。帥事黃公千載後，身騎白馬萬人中。箭隨晚吹迎邊草，箭沒寒雲送塞鴻。三十擁旄誰不羨，周郎少小立奇功。

平蕃曲

劉長卿

吹角報蕃營，迴軍欲洗兵。已教青海外，自築漢家城。
絕漠大軍還，平沙獨戍閑。空留一片石，萬古在燕山。

塞下曲

郎士元

寶刀塞下兒，身經百戰會百勝。壯心竟未嫺姚知，白草山頭日初沒。黃沙戍下悲風發。
蕭條夜靜邊風吹，獨倚營門望秋月。

夜行古戰場

竇 庠

山斷塞初平，人言古戰庭。泉冰鑿更咽，陰火燄偏青。月落雲沙黑，風迴草木腥。不知
秦與漢，徒欲弔英靈。

從軍別家

竇 鞏

自笑儒生着戰袍，書齋壁上挂弓刀。如今便是征人婦，好織迴文寄寶刀。

和張僕射塞下曲

盧 綸

鸞翎金僕姑，燕尾繡螭弧。獨立揚新令，千營共一呼。
林暗草驚風，將軍夜引弓。平明尋白羽，沒在石稜中。
月黑雁飛高，單于夜遁逃。欲將輕騎逐，大雪滿弓刀。
野幕敞瓊筵，羌戎賀勞旋。醉和金甲舞，雷鼓動山川。

城傍少年

李益

生長邊城傍，出身事弓馬。少年有膽氣，獨獵陰山下。偶與匈奴逢，曾擒射鵰者。名懸壯士籍，請君少相假。

送柳判官赴振武

李益

邊庭漢儀重，旌甲似雲中。虜地山川壯，單于鼓角雄。關寒寒榆落，月白胡天風。君逐嫺姚將，麒麟有戰功。

觀騎射

李益

涉道射鵬將，走馬出中軍。遠見平原上，翻身向暮雲。

聽曉角

李益

邊霜昨夜墮關輪，吹角當城片月孤。無限塞鴻飛不度，秋風吹入小單于。

從軍詞

王涯

燕頰多奇相，猿頭敢惡揚。寄言班定遠，正是立功年。

塞上曲二首

王涯

天驕遠塞行，出鞘寶刀鳴。定是酬恩日，今朝告命輕。
塞虜常爲敵，邊風已報秋。平生多志氣，箭底覓封侯。

塞下曲

王涯

年少辭家從冠軍，金裝寶劍去遼東。不知馬骨傷寒水，唯見龍城起暮雲。

涼州行

王建

涼州四邊沙皓皓，漢家無人問舊道。邊頭州縣盡胡兵，將軍別築防秋城。萬里人家皆已沒，年年旌節發西京。多來中國收婦女，一半生男爲漢語。蕃人舊日不耕犁，相學如今種禾黍。驅羊亦着錦爲衣，爲惜氈裘防鬥時。養蠶織繭成疋帛，那堪繞吸作庭旗。城頭山雞鳴角角，洛陽家家學胡樂。

東征行

王建

桐柏水西賊星落，烏雞夜飛林木黑。相國刻日波濤清，當朝自請東南征。舍人爲賓侍郎副，曉覺蓬萊欠珮聲。玉階舞蹈謝旌節，生死向前山可穴。同時賜馬并賜衣，御樓看帶弓刀發。馬前猛士三百人，金書左右紅旌新。司庖常膳皆得對，好事將軍封爾身。男兒生殺在手裏，營門老將皆營死。曠曠白日當南山，不立功名終不還。

猛將吟

孟郊

凝膾樓蘭肉，蒼怒時未揚。秋聲無退聲，夜劍不隱光。虎隊手驅出，豹篇心卷藏。古今

皆有言，猛將出北方。

遊俠行

孟郊

壯士殊剛決，火中見石裂。殺人不還頭，輕牛如暫別。豈知眼有淚，肯白頭上髮。半生無恩醜，劍閣一百月。

中國瘡

孟郊

徒言人最靈，白骨亂縱橫。如何當春死，不及羣草生。寇婦宰乾坤，器農不器兵。秦漢盜山岳，鑄殺不鑄耕。天地莫生金，生金人競爭。

贈唐衢

韓愈

虎有爪兮牛有角，虎可搏兮牛可觸。奈何君獨抱奇材，手把鋤耜饑空谷。當今天子急賢良，匱函朝出開明光。胡不上書自薦達，坐令四海如虞唐。

次潼關先寄張十二閣老

韓愈

荆山已去華山來，日照潼關四扇開。刺史莫辭迎候遠，相公新破蔡州迴。

桃杵夜賀晉公

韓愈

西來騎火照山紅，夜宿桃林臘月中。手把命珪兼相印，一時重疊賞元功。

平蔡州

劉禹錫

蔡州城中衆心死，妖星夜落照壕水。漢家飛將下天來，馬箠一揮門洞開。賊徒崩騰望旗拜，有若羣蟄驚春雷。狂童面縛登檻車，太白夭矯垂捷書。相公從容來鎮撫，常侍郊迎負文弩。西人歸業闕里閑，小兒跳跟健兒舞。

西州

張籍

羌胡據西州，近甸無邊城。山東收租稅，養我防塞兵。胡騎來無時，居人常震驚。嗟我五陵間，農者罷耘耔。邊頭多殺傷，士卒難全形。羣賊發丁役，丈夫各征行。生男不能養，懼身有姓名。良馬不念秣，烈士不苟營。所願除國難，再逢天下平。

隴頭

張籍

隴頭路斷人不行，胡騎夜入涼州城。漢兵處處格鬥死，一朝盡沒隴西地。驅我邊人胡中去，散放牛羊食禾黍。去年中國養子孫，今著氈裘學胡語。誰能更使李輕車，收取涼州屬漢家。

雁門太守行

李賀

黑雲壓城城欲摧，甲光向日金鱗開。角聲滿天秋色裏，塞上胭脂凝夜紫。半卷紅旗臨易水，霜重鼓寒聲不起。報君黃金臺上意，提攜玉龍爲君死。

壯士吟

賈島

壯士不曾悲，悲即無回期。如何易水上，未歌先淚垂。

劍客

賈島

十年磨一劍，霜刃未曾試。今日把似君，誰爲不平事！

新製布裘

白居易

桂布白似雪，吳綿軟於雲。布重綿且厚，爲裘有餘溫。朝擁坐至暮，夜覆眠達晨。誰知嚴冬月，支體暖如春。中夕忽有念，撫裘起逡巡。丈夫貴兼濟，豈獨善一身。安得萬里裘，蓋裘周四服。穩暖皆如我，天下無寒人。

寄唐生

白居易

賈誼哭時事，阮籍哭路岐。唐生今亦哭，異代同其悲。唐生者何人？五十寒且飢。不悲口無食，不悲身無衣；所悲忠興義，悲甚則哭之。太尉擊賊日，尙書叱盜時。大夫死凶寇，諫議謫蠻夷。每見如此事，聲發涕則隨。往往聞其風，俗士猶或非。憐君頭半白，其志竟不衰。我亦君之徒，鬱鬱何所爲！不能發聲哭，轉作樂府詩。篇篇無空文，句句必盡規。功高虞人箴，痛甚騷人辭。非求宮律高，不務文字奇。惟歌生民病，願得天子知。未得天子知，甘受時人嗤。藥良氣味苦，琴淡音聲稀。不懼權豪怒，亦任親朋譏。

人竟無奈何，呼作狂男兒。每逢羣盜息，或遇雲霧披。但自高聲歌，庶幾天聽卑。歌哭雖異名，所感則同歸。寄君三十章，與君爲哭詞。

俠客行

元 稹

俠客不怕死，怕在事不成。事成不肯藏姓名，我非竊賊誰夜行？白日堂堂殺袁盎，九衢草草人面青。此客此心師海鯨，海鯨露背橫滄溟，海波分作兩處生。分海減海力，俠客有謀人不識。測三尺鐵蛇延二國。

塞下曲

張 祐

二十逐嫖姚，分兵遠戍遼。雪迷經塞夜，冰壯渡河朝。促放鵬難下，生騎馬未調。小儒何足問，看取劍橫腰。

題烏江亭

杜 牧

勝敗兵家事不期，包羞忍恥是男兒。江東子弟多才俊，卷土重來未可知。

經故太尉段公廟

許渾

靜想追兵緩翠華，古碑荒廟閉松花。紀生不向滎陽死，爭有山河屬漢家。

劍器詞

姚合

聖朝能用將，破敵速如神。掉劍龍纏臂，開旗火滿身。積屍川沒岸，流血野無塵。今日當塲舞，應知是戰人。

晝渡黃河水，將軍險用師。雪光偏着甲，風力不禁旗。陣變龍蛇活，軍雄鼓角知。今朝重起舞，記得戰酣時。

破虜行千里，三軍意氣竄。展旗遮日黑，驅馬飲河枯。鄰境求兵略，皇恩索陣圖。元和太平樂，自古恐應無。

窮邊詞

姚合

軍作鎮古汧洲，水臧山春節氣柔。清夜滿城絲管散，行人不信是邊頭。

箭利弓調四鎮兵，蕃人不敢近東行。沿邊千里渾無事，惟見平安火入城。

少將

李商隱

族亞安陸，風高漢武威。靈波別墅醉，花月後門歸。青海聞傳箭，天山報合圍。一朝攜劍起，上馬卽如飛。

簪筆賦

李商隱

猿鳥猶疑畏簡書，風雲常爲護儲胥。徒令上將揮神筆，終見降王走傳車。管樂有才真不忝，關張無命復何如！他年錦里經祠廟，梁父吟成恨有餘。

涼州詞

薛逢

昨夜蕃兵報國讎，沙州都護破涼州。黃河九曲今歸漢，塞外縱橫戰血流。

送友人之塞北

李頎

朔野正秋風，前程見曠鴻。日西身獨遠，山僻路無窮。樹隔高關斷，沙連大漠空。君看

河外將，早晚擬平戎。

送邊將

李 穎

防秋戎馬恐來奔，詔發將軍出雁門。遙領短兵登隘首，獨橫長劍向河源。悠揚落日黃雲動，蒼莽陰風百草翻。若縱千戈更深入，應聞收得到崑崙。

言懷

高 駢

恨乏平戎策，慙登拜將壇。手持金鉞冷，身挂鐵衣寒。主聖扶持易，恩深報効難。三邊猶未靜，何敢便休官。

延平津

汪 遵

三尺晶熒射斗牛，豈隨凡手報冤讎。延平一旦爲龍處，石取風雲布九州。

別離

陸龜蒙

丈夫非無淚，不洒別離間。杖劍對樽酒，恥爲游子顏。蛟蛇一螫手，壯士疾解腕。所思

在功名，離別何足歎。

河湟有感

司空圖

自蕭關起戰塵，河湟隔斷異鄉春。漢兒盡作胡兒語，却向城頭罵漢人。

與都統參謀書有感

司空圖

驚鷺近鷺盡歸林，弱羽低垂分獨沈。帶病深山猶草檄，昭陵應識老臣心。

猛虎行

李咸用

猛虎不怯敵，烈士無虛言。怯敵辱其班，虛言誤其恩。爪牙欺白刃，果敢無前陣。須知易水歌，至死無悔慙。

豫讓橋

胡曾

豫讓酬恩歲已深，高名不朽到如今。年年橋上行人道，誰有當時國士心？

滎池

胡曾

日豈覺城芳草心，相如曾此控強秦。能令百二山河去，便作楸枰擊殺人。

博浪沙

胡曾

政鯨吞六合秋，削平天下虜諸侯。山東不是無公子，何事張良獨報讎？

赤壁

胡曾

烈火西焚魏帝旗，周郎開闢虎爭時。交兵不假揮長劍，已挫英雄百萬師。

維柳營

胡曾

文帝鑾輿勞北征，條侯此地整嚴兵。轅門不峻將軍令，今日爭知細柳營！

關山月

陳陶

昔年嫖姚護羌月，今照嫖姚雙鬢雪。青塚曾無尺寸歸，錦書多寄窮荒骨。百戰金戈體沙磧，鄉心一片懸秋碧。漢城應期破鏡時，胡塵萬里嬋娟隔。度磧衝雲朔風起，邊笳欲晚生青瑣。關上橫吹霜色刀，何年斷得匈奴臂。

代邊將

李九齡

雪凍陰河半夜風，戰回狂虜血漂紅。接鞍遙指長安路，須刻麟臺第一功。

口占

花蕊夫人

君王城上豎降旗，妾在深宮那得知？十四萬人齊解甲，更無一個是男兒！

從軍行

皎然

雙騎出紛紛，元戎霍冠軍。漢韓秋聒地，羌火晝燒雲。萬里戎城台，三邊羽檄分。烏孫

驅未盡，肯顧遼陽城。

韓旆拂丹霄，漢軍新破遼。紅塵驅鹵簿，白羽擁嫖姚。戰苦軍猶樂，功高將不驕。至今

丁零塞，朔吹空蕭蕭。

飛騎下天來，奇謀闕外裁。水心龍劍動，地肺雁山開。望氣燕師銳，當鋒虜陣摧。從今

射鵰騎，不敢過雲堆。

哥舒歌

西鄙人

北斗七星高，哥舒夜帶刀。至今窺牧馬，不敢過臨洮。

獻錢尚父

貫休

貴逼人來不自由，龍驤鳳翥勢難收。滿堂花醉三千客，一劍霜寒十四州。鼓角揭天嘉氣冷，風濤動地海山秋。東南永作擎天柱，誰羨當時萬戶侯。

老將

齊己

破虜與平戎，曾居第一功。明時不用武，白首向秋風。馬病霜飛草，弓閑雁過空。兒孫已成立，膽氣亦英雄。

絕句

呂巖

朝遊北海暮蒼梧，袖裏青蛇膽氣粗。三醉岳陽人不識，朗吟飛過洞庭湖。獨上高峰望八都，黑雲散後月還孤。茫茫宇宙人無數，幾個男兒是丈夫？

內宴應制

曹翰

三十年前學六韜，英名常得預時髦。曾因國難披金甲，不爲家貧賣寶刀。臂健常嫌弓力軟，眼明猶識陣雲高。庭前昨夜秋風起，差見團花舊戰袍。

蠟燭

孫復

六龍西走入崦嵫，寂寂華堂漏轉時。一寸丹心如見用，便爲灰燼亦無辭。

經戰地

魯交

西邊用兵地，黯慘無人耕。戰士報國死，寒草迎春生。沙飛賊風起，晝黑陣雲橫。未持天下帚，何以掃榛楛！

古意

梅堯臣

月缺不改光，劍折不改剛。月缺魄易滿，劍折鑄復良。勢利壓山岳，難屈志士腸。男兒自有守，可殺不可苟。

兵

梅堯臣

太平無戰陣，漢卒久生驕。金甲不曾擐，犀弓應自調，嗟爲燎原火，終作覆巢巢。若使威刑立，三軍豈敢驚。

送馬仲塗司諫使北

梅堯臣

每逆龍鱗司諫諍，又持旌節使陰山。貂裘不見風霜勁，雁檣遙知道路艱。冰胎芥蒂非梵味，玉茗蘭苕謫燕顏。單于不敢輕中國，名馬新調爲送還。

吾聞

蘇舜欽

吾聞壯士懷，恥與歲時沒。出必擊凶門，死必填塞窟。風生玉帳上，令下厚地裂。百萬呼吸間，勝勢一言決。馬躍踐胡腸，士渴飲胡血。腥穢屏除盡，定不存種孽。予生雖儒家，氣欲吞逆羯。斯時不見用，感嘆腸胃熱。書臥書冊中，夢過玉關闕。

寄高彥國

蘇舜欽

自古霜者胡與羌，羌胡相連動朔方。姦謀陰就一朝發，直欲截割晉土疆。遣使持書玉闕下，四方物論始沸湯。天子仄席盱未嘗，相君日暮猶廟堂。彥國感慨請奉使，誓將摧折其鋒鏑。受詔驅馬出都門，都人走觀歎且傷。稽胡聞風已厭伏，聚聽大議羞亂常。顧如故約不敢妄，脫甲爭獻寶玉觴。旃旌威遲還上國，所至觀者如傾江。杖父奔蹶喜出泣，婦女聚語氣激昂。至尊虛懷坐楮牀，中人擢入見未央。對久赤日下簷道，翠華影轉涼風涼。歸來堂上拜壽母，寶車塞破甘泉坊。衣塵未滌又出使，往來絕域如門牆。已知高賢抱器識，因時與國爲輝光。不煩一甲屈萬衆，以此可見才短長。彥國本爲廊廟器，何祇口舌平強梁。使之當國柄天下，夷狄豈復能猖狂。

送張如京知安肅軍

歐陽修

相逢舊從事，新命忽臨戎。界上山河壯，軍中鼓角雄。湖風馳駿馬，塞雪射驚鴻。試取封侯印，何如筆硯功。

西北

石介

吾嘗觀天下，西北險固形。四夷皆臣服，二鄙獨不庭。吾君仁泰厚，曠歲稽天刑。孽芽遂滋大，蛇豕極羶腥。漸聞頗驕塞，牧馬附郊坰。吾恐患已深，爲之居靡寧。堂上守章句，將軍弄娉婷。不知思此否？使人堪涕零。

勸學示江原諸生

趙抃

古人名教自詩書，淺俗頽風好力扶。口誦聖賢皆進士，身爲仁義始真儒。任從客笑原思病，莫管時譏孟子迂。通要設施窮要樂，不須隨世問榮枯。

閒行吟

邵雍

長憶當年掃敵塵，未嘗三徑草荒蕪。欲爲天下屠龍手，肯讀人間非聖書。否泰悟來知進退，乾坤見了識親疎。自從會得環中意，閑氣胸中一點無。

秋日偶成

程顥

到來無事不從容。睡覺東窗日已紅，萬物靜觀皆自得，四時佳興與人同。道通天地有形外，思入風雲變態中。富貴不淫貧賤樂，男兒到此是英雄。

聞種諤米脂川大捷

王珪

神兵十萬忽乘秋，西磧妖氛一夕收。走馬不嘶榆塞外，長城自起玉關頭。君王別繪凌烟閣，將帥今輕定遠侯。莫道無人能報國，紅旗行去取涼州。

塞上

司馬光

節物正防秋，關山落葉稠。霜風壯金鼓，霧氣涇旌裘。未得西羌滅，終爲大漢羞。慙非班定遠，棄筆取封侯。

鴻雁秋先到，羊牛夕未還。旌旗遙背水，亭堠遠依山。落日銜西塞，陰煙澹北關。何時獻戎捷，鞍馬一朝閒。

邊將

司馬光

紅旗一簇聚山椒，霽日清風看射鵰。脫帽胡兒遙稽首，漢家新將霍嫫媯。
月白星稀霜氣多，卷旗束甲涉蔥河。田家不覺官軍度，夜半只聞風雨過。
橫吹長笛千萬騎，將軍塞北立功迴。邊人爭出孤城望，漸見旌旗天外來。

澶州

王安石

去都二百五十里，河流中間兩城峙。南城草草不受兵，北城樓櫓如邊城。城中老人爲予語，契丹此地經鈔虜。黃屋親乘矢石間，胡馬欲踏河冰渡。天發一矢胡無西，河冰亦破沙水流。歡盟從此至今日，丞相萊公功第一。

宰嚭

王安石

謀臣本自繫安危，賤妾何能作禍基。但願君王誅宰嚭，不愁宮裏有西施。

陽關詞贈張繼原

蘇軾

受降城下紫髯郎，戲馬臺前古戰場。恨君不取契丹首，金甲牙旗歸故鄉。

次韻游景叔聞洮河捷報寄諸將

黃庭堅

中原日月瓦夷知，不用禽胡豈鼓旗。更向天階對千羽，降書剩破一年遲。
漢得洮州箭有神，斬關禽敵不深巡。將軍快上屯田計，要納降胡十萬人。

和謝公定河朔漫成

黃庭堅

南令南粵遠歸帝，誰謂匈奴不敢王。願見推財多卜式，未須算賦似桑羊。
萊公廟略傳耆舊，韓令風流在井疆。安用鳴鏐增漢熱，不妨羅拜下諸羌。
虜庭數遣林牙使，羌種來窺雁塞耕。壯士看天思上策，月鳴邊笛爲誰橫。

少年行

張耒

辭弓鵠角著鵬羽，金錯旗竿畫貔虎。長驅直踏老上庭，手拔干將斬狂豎。歸來解甲見天子，金印懸腰封萬戶。自爲大漢上將軍，高揖羣公佐明主。

人生豈合長貧賤，師事黃公會習戰。英雄天子伐匈奴，初拜將軍二十餘。黃塵晝飛羽如

插，身射單于碎弓甲。從來書生輕武夫，坐遣揮毫寫勳業。

聽客話瀆淵事

張耒

憶昔兵來動河朔，渡河飲馬吹邊角。瀆淵城下冰載車，邊風蕭蕭千里餘。城上黃旗坐真主，夜遣六丁張猛弩。雷驚電發一矢飛，橫射渠魁貫車柱。敵氛已掃大漠空，歸來封禪告成功。自是乾坤扶聖主，可能功業盡萊公。

某已被旨移蔡賊起旁郡，去果進發今日上城。

部分民兵閱視戰艦口號

韓駒

病守雖聞鬢未蒼，尙能談笑坐胡床。指揮一掃妖氛盡，便自關山向汝陽。
昨夜黃州得賊書，老臣恨已解兵符。莫將箭污偷兒血，留與官家北射胡。
百憂前日總寬心，一笑朝來得好音。絕域不須遮虜障，今年自有殺胡林。
沙場曩送忘胡日，澤國春生賀漢年。說與胡兒莫輕出，黃岡直下有戈船。

西捷乞致仕

章 梁

虎頭壯士雪鬚鬚，欲滅西羌更脅胡。先遣輜車假鞅勒，却分神將定天都。莫年投筆眞男子，得意歸田亦丈夫。飽食自慚還自責，一毫曾有報君無。

衣襟中詩

李若水

胡馬南來久不歸，山河殘破一身微。功名誤我等雲過，歲月驚人如雪飛。每事恐貽千古笑，此心甘與衆人違。艱難惟有君親重，血淚斑斑染客衣。

臨終作

何弘中

馬革盛屍每恨遲，西山餓死亦何辭。姓名不到中興歷，自有皇天后土知。

絕命辭

王士敏

此生無復望生還，一死都歸談笑間。大地盡爲鮮血流，好收我骨首陽山。

哭宗留守

李 綱

時危念人傑，濟物須才雄。尋常醜醜姿，詎可收奇功。英英宗夫子，遠與古人同。抱器實磊落，秉心鬱精忠。嗚呼州縣，山立不妄從。青松雖未高，已足凌蒿蓬。涉世多齟齬，失官久龍鍾。擢居河朔郡，煥處正昏蒙。今上在藩邸，奉使邊陲中。力爭不可往，高牙建元戎。王室遂再造，廊廡當酬庸。同朝共排擠，一麾江漢東。見我論世故，慷慨淚沾胸。薦之守留鑰，付以節制隆。惠政拊疲瘵，威聲懾奸兇。金湯治成勳，樓櫓歛以崇。出師葭洛間，屢挫黠風鋒。邦畿千里寧，誰說百歲翁。抗疏請還闕，北伐歸兩宮。辭直志鯁亮，天子爲動容。奸雄更切齒，恨未能關弓。乃同歸剗人，感憤驅厥躬。皇天不憖遺，吾道何其窮。驂驢竟委離，冀北羣遂空。梁摧大廈傾，誰與扶穹隆。安能百身贖，坐爲四海恟。人亡國殄瘁，天意真懵懵。中原氣蕭瑟，洒涕臨西風。

江行

李綱

春江望不極，慘淡起層陰。短風濛濛濕，雲濤渺渺深。懷家千里意，報國一生心。時息知音少，空爲梁父吟。

初入潭州

李綱

昔年假道過長沙，煙雨濛濛十萬家。棟宇只今皆瓦礫，生靈多少委泥沙。寸心報國渾忘老，四路喧風靜不譁。祇願吾皇假日月，直從襄漢定中華。

降馬友餘黨步諒等

李綱

赤眉銅山與黃巾，漢魏收功豈異人。駕馭撫綏要有術，從來盜賊本王臣。

感時 有序

宗澤

戎虜長驅，京邑岌危，此忠臣義士痛心疾首，勤王報國之秋也。而宰臣遷家，郡守踰垣，縉紳士大夫陸竄水奔，使人主嬰孤城以自守，無一犯難者。事小定矣，而上書獻策之人，亦未有慨然以東者，世道之衰，一至此乎？太息之餘，以詩自道。

卿士靡多壘，天下潰蒙塵。禦戎要鷹將，謀國須雋臣。百戰取封侯，未必亡其身。懷奸廢忠義，朋黨以爲人。吁嗟世道衰，大戮加縉紳。平居事奔競，梁汴紛雲屯。一旦國步

艱，四迸如星繁。輔相已擇棲，守令仍踰藩。寇蓋陵西窺，舳艫水南奔。鄙夫用慨然，策馬趨轅門。勤王蓋尺柄，梧主期片言。時來儻雲龍，峨冠拜臨軒。逶迤上玉除，造膝陳元元。措世子太寧，歸來守邱樊。

安西聞捷

楊時

鷹揚塞外得非熊，萬里金城一箭通。玉帳投壺隨燕豆，坐着飛將縛驍戎。

寄廬中甫

許景衡

霜風獵獵動旌旄，月落天低錦帳高。旋放洮河三尺水，洗磨十萬血腥刀。

題姚忠毅公廟

紹興三十一年金兵入寇
統領姚興死之詔立廟以祀

林宋偉

赤心許國自平時，見敵捐軀更不疑。權忌臯庸皆遁走，同時死難只青獅。
農父犁田出寶刀，銅花浸血冷浸毛。神鋒凜凜衝星斗，未讓豐城劍氣高。
歲歲蒸嘗九月期，西風笳鼓萬人悲。山邊走馬神旌閃，父老齊呼太尉來。

兩日徑行奮戰場，帶來祠下謁堂堂。偷生諸將今何在？萬古英靈獨耿光。

寶刀歌

紹興四年書贈
吳將軍南行

岳 飛

我有一寶刀，深藏未出鞘。今朝持贈南征使，紫髯萬丈于青霄。指海海騰沸，指山山動搖。蛟龍潛形百怪伏，虎豹戰股諸天驚。蘇爾蠻蜒弄竿挺，條忽聚散如羣鯨。使君拜命仗此往，紅爐熾炭煮蓬毛。奏凱歸來報天子，雲臺麟閣高嵯峨。噫嘻，平蠻易自治，勞卒犯市肆，馬躡田禾，將就驕侈，士狃貪饕，虛張因虜，妄邀金貂，使君一一試此刀。能令四海風塵消，萬姓鼓舞歌唐堯。

送紫岩張先生北伐

紹興五年秋

岳 飛

號令風霆迅，天聲動北陬。長驅渡河洛，直搗向燕幽。馬蹶關氏，血旗梟可汗頭。歸來報明主，恢復舊神州。

誅適齋先生

岳 飛

南渡已三紀，衣冠今幾存。傷心失故老，回首望中原。去國權臣力，全軀聖主恩。致君
堯舜日，夷意託空言。

題驟馬岡

岳飛

立馬林園豁戰眸，陣雲開處一溪流。機春冰泚猶傳晉，黍秀宮庭孰憫周。南服只今殲小
醜，北轅何日返神州。誓將七尺酬明聖，怒指天涯淚不收。

題翠微寺

寺在南昌府
治之西山

岳飛

秋風江上駐王師，暫問雲山隱翠微。忠義必期清塞水，功名直欲鎮邊圉。山林嘯聚何勞
取，沙漠羣兇定破機。行復三關迎二聖，金酋席捲盡禽歸。

寄浮屠慧海

廬山東林禪寺僧

岳飛

溢浦廬山幾度秋，長江萬折向東流。男兒立志扶王室，聖主專征滅虜酋。功業要刊燕石
上，歸休終伴赤松遊。叮嚀寄語東林老，蓮社從今着力修。

池州翠微亭

岳飛

經年塵土滿征衣，特遣勞勞上翠微。好水好山看不足，馬蹄催趁月明歸。

駐兵新淦題伏魔寺壁

岳飛

膽氣堂堂貫斗牛，誓將真節報君仇。斬除元惡還車駕，不問登壇萬戶侯。

四不念

劉子翬

草邊飛騎如煙滅，拉獸摧斑食其血。此時疾首念鑿輿，玉體能勝飢渴無。危城層翹驚雲護，億筭無光天座杳。奮戈儻未雪深讎，我食雖甘何忍飽。

黃河鑿鑿冰成路，人語寒空氣成霧。此時泣血念鑿輿，玉體能勝凜冽無。蒼皇天步蒙塵去，畫袞飄零傷歲暮。飛書倘未伐姦謀，我服雖華何忍御。

平沙月轉旌旗影，擐甲爲衾戈作枕。此時飲恨念鑿輿，玉體能勝暴露無。問安使者空相繼，清蹕不回宮殿閉。請纓倘未縛酋渠，我榻雖安何忍寐。

漁陽鼙鼓風塵戰，潑水淋漓舞胡旋此。時太息念變興，玉體能勝寂寞無。六宮遭亂多奔
避，不復梨園歌舞盛。着鞭倘未駐龍庭，我恐雖調何忍聽。

汴京紀事

劉子翬

帝城王氣雜妖氛，胡虜何知屢易君。猶有太平遺老在，時時洒淚向南雲。
聖君嘗膽憤艱難，雙蹕無因日問安。漢節凋零胡地闊，北州何處是通汗。
朝廷植黨互相延，政事紛更屬紀年。曾讀上皇哀痛詔，責躬猶是禹湯賢。
聯翩漕舸入神州，梁主經營授宋休。一自胡兒來飲馬，春波唯見斷冰流。
空嗟覆鼎誤前朝，骨朽人間罵未銷。夜月池臺王德宅，春風楊柳太師橋。
天旄龍媒十萬蹄，春池蹴踏浪花飛。路人爭看蕭衙內，月下親調御馬歸。
盤石曾聞受國封，承恩不與幸臣同。時危運作高城破，猶解捐軀立戰功。
梁園歌舞足風流，美酒如刀解斷愁。憶得少年多樂事，夜深燈火上樊樓。
蒼黃禁陌夜飛戈，南去人稀北去多。自古胡沙埋皓齒，不堪重唱落蓬歌。

策殺繁華事可傷，師師垂老過湖湘。襖衣檀板無顏色，一曲當時動帝王。

洗兒

朱松

行年已合識顛顛，舊學屠龍意轉疎。有子添丁助征戍，肯令辛苦更冠儒。

諸公分韻躡冒頓之區落英老上之龍庭得老庭字

張孝祥

橫槊能賦詩，下馬具微草。忠義乃天賦，勛名要時早。龍臥南陽客，鷹揚渭濱老。當其
尚棲遲，衆或輕潦倒。風雲會相遇，氛祲當獨掃。鳳凰翔千仞，驚馬顛棧皂。士爲一飽
謀，懸知不同道。

吳甲組練明，吳鉤鑿青萍。戰士三百萬，猛將森列星。揮戈却白日，飲渴枯滄溟。如何
天驕子，敢來干大刑。嗚呼三十年，中原飽腥腥。陛下極酒容，宗祏甚威靈。犬羊爾何
知，鳥銳心未寧。囊血規射天，蒼蠅混驚庭。佛定送死，榆關不須爭。虜勢看破竹，
我師真建瓴。便當收成陽，政耐容朔庭。明堂廟玉帛，劍佩鳴牽丁。八章車攻詩，十丈

燕然銘。我學益荒落，尙可寫丹青。

州橋

范成大

州橋南北是天街，父老年年等駕迴。忍淚失聲詢使者，幾時真有六軍來？

宣德樓

范成大

曉闕叢霄舊玉京，御牀忽有六羊鳴。他年若作清宮使，不挽天河洗不清。

初入淮河

楊萬里

船離淇澤巖頭沙，人到淮河意不佳。何必桑乾方是遠，中流以北卽天涯。

劉岳張韓宜國威，趙張二將築皇基。長淮咫尺分南北，淚濕秋風吹怨誰？

兩岸舟船各背馳，波痕交涉亦難爲。只餘鷗鷺無拘管，北去南來自在飛。

中原父老莫空談，逢着王人訴不堪。却是歸鴻不能語，一年一度到江南。

書志

陸游

往年出都門，誓墓志已決。況今蒲柳姿，俯仰及太素。妻孥厭寒餓，鄰里笑狂拙。悲歌行拾穗，幽憤臥齧雪。千歲埋松根，陰風竄空穴。肝心獨不化，凝結成金鐵。鑄爲上方劍，燬以授臣血。匣藏武庫中，出參旄頭列。三尺燦星辰，萬里靜妖孽。君看此神奇，醜虜何足滅。

秋懷

陸游

我昔聞關中，水深土平曠。涇渭貫其間，沃壤誰與抗。桑麻鬱千里，黍林雋一丈。潼華臨黃河，古出名將相。淪陷七十年，北首增慘愴。猶期垂老眼，一覩天下壯。

九月十六日夜夢駐軍河外遣使招降諸城覺而有作 陸游

殺氣昏昏橫塞上，東並黃河開玉帳。書飛羽檄下列城，夜脫貂裘撫降將。將軍撫上汗血馬，猛士腰間虎文韞。階前白刃明如霜，門外長戟森相向。朔風卷地吹急雪，轉盼玉花深一丈。誰言鐵衣冷徹骨，感義懷恩如挾纊。腥臊窟穴一洗空，太行北嶽元無恙。更呼

斗酒作長歌，要遣天山健兒唱。

曉歎

一鴉飛鳴寒已白，推枕欲起先歎息。翠華東巡五十年，赤縣神州滿戎狄。主憂臣辱古所云，世間有樂吾得食。少年論兵實狂妄，諫官劾奏當竄殛。不爲孤囚死嶺海，君恩如天豈終極。容身有祿愧滿顏，滅賊無期淚橫臆。未聞舍桃薦宗廟，至今銅駝沒荆棘。幽并從古多烈士，世豈可令長失職。王師入秦駐一月，傳檄足定河南北。安得揚鞭出散關，下令一變旌旗色。

關山月

陸游

和我詔下十五年，將軍不戰空臨邊。朱門沉沉按歌舞，廐馬肥死弓斷弦。戍樓刁斗催落月，二十從軍今白髮。蕭蕭索索知壯士心，沙頭空照征人骨。中原干戈古亦聞，豈有逆胡傳子孫。邊民忍死望恢復，幾處今宵垂淚痕。

戰城南

陸游

王師出城南，塵頭暗城北。五軍戰馬如踏繡，出入變化不可測。逆胡欺天負中國，虎狼雖猛那勝德。馬前嗚呼爭乞降，滿地縱橫投劍戟。將軍駐坡擁黃旗，遣騎傳令勿自疑。詔書許汝以不死，股票何爲汗如洗。

樓上醉書

陸游

丈夫不虛生世間，本意滅虜收河山。豈知蹭蹬不稱意，八年梁益凋朱顏。三更撫枕忽大叫，夢中奪得松亭關。中原機會嗟屢失，明日茵席留餘潛。益州官樓酒如海，我來解旗論日買。酒酣博塞爲歡娛，信手烏盧喝成采。牛背爛爛電目光，狂殺自謂元非狂。故都九廟臣敢忘，祖宗神靈在帝旁。

大雪歌

陸游

長安城中三日雪，潼關道上行人絕。黃河鑿牛凍不動，承露金盤凍將折。虬鬚豪客狐白

裘，夜來醉眠寶釵樓。五更未醒已上馬，衝雪却作南山遊。千年老虎獵不得，一箭橫穿
雪皆赤。空餘死作雷吼，震動山林裂崖石。曳歸擁路千人觀，觸護作枕皮蒙鞍。人間
壯士有如此，胡不來歸漢天子。

大將出師歌

陸游

將軍北伐辭前殿，恩詔催排苑中宴。紫陌驚塵中使來，青門立馬羣公餞。繡旗雜沓三十
里，畫鼓敲鏗五千面。行營幕宿咸陽原，滿朝太息傾都羨。天聲一震胡已亡，捷書奔奔
如飛電。高秋不閉玉關城，中夜罷傳青海箭。可汗垂泣小王號，不敢跳奔那敢戰。山川
圖籍上有司，張掖酒泉開郡縣。還朝策勳兼將相，詔假黃鉞調金鉉。丈夫未遇誰得知，
昔日新豐笑貧賤。

弋陽道中遇大雪

陸游

我行江都幕猶進，大雪塞空迷遠近。壯哉組練從天來，人間有此堂堂陣。少年願愛軍中

漢，跌宕不耐徵官縛。憑鞍寓目一愜然，思爲君王掃河洛。夜聽窸窣紙窗鳴，喜似鐵馬
自磨礮。起傾斗酒歌出塞，彈壓胸中十萬兵。

醉歌

陸游

往時一醉論斗石，坐人飲水不能敵。橫戈擊劍未足豪，落紙縱橫風雨疾。雪中會獵南山
下，清蹠嶙峋玉千尺。道邊狐兔何曾問，馳過西村尋虎迹。貂裘半脫馬如龍，舉鞭指揮
氣吐虹。不須分弓守近塞，傳檄可使腥羶空。小胡逋誅六十載，信信獬子勢已窮。聖朝
好生貸孳戮，還爾舊穴遼天東。

秋風曲

陸游

秋風吹雨暗憲紙，壯士不眠推枕起。壯頭金盞酒尊空，纏馬相看淚如洗。鴻門竊上百萬
師，安西北庭九千里。帳前畫角聲入雲，隴上鐵衣光照水。橫。飛渡遼，健如鷗，談笑不
勞投馬箠。堂堂羽檄從天下，夜半新營辱可鄙，拾登讀書定何益！投筆取封當努力。百

石長。雨石弓，飽將兩耳聽秋風。

焉耆行

焉耆山頭烽煙紫，牛羊聲斷行人止。平沙風急捲寒蓬，天似穹窿月如水。大胡太息小胡悲，投餐欲眠且復起。漢家詔用李輕車，萬丈戰雲來壓壘。

陸游

寒夜歌

陸子七十猶窮人，空山度此冰雪晨。既不能挺長劍以抉九天之雲，又不能持斗魁以回萬物之春。食不足以活妻子，化不足以行鄉鄰。忍飢讀書忽白首，行歌拾穗將終身。論事憤叱日若炬，望古踴躍心生塵。三萬之黃河入東海，五千仞之太華磨蒼旻。坐令此地沒胡虜，兩京宮闕悲荆榛。誰施赤手驅蛇龍，誰袞天綱致鳳麟。君看煌煌藝祖業，志士豈得空饑辛。

陸游

隴頭水

陸游

隨頭十月天雨霜，壯士增掩綠沈槍。臥聞隴水思故鄉，三更起坐淚兩行。我語壯士勉自強，男兒隨地志四方。馬革裹屍固其常，豈若婦女不下堂。生逢和親最可傷，歲益金幣輸胡羌。夜視太白收光芒，報國欲死無戰場。

長歌行

陸游

不羨鸞鶴上青天，不羨峨冠明主前。但願少時死，得見半胡年。一戰胡運衰，送死秦吳間。胡是濟無光，龍庭爲飛煙。西琛過葱嶺，虫成逾朝鮮。謁魏天王都，九鼎奠澗澗。高麗朝未央，玉帛塞關關。黃河汝小醜，汗我子會篇。盡誅非無名，不足傾戈鉞。還汝以舊職，牧羊遼海邊。

送辛幼安殿撰造朝

陸游

綠軒落筆凌地謝，退避聲名掃漆椽。十年高臥不出門，夢遼南宗救牛話。功名固是券內事，且置園廬了婚嫁。千篇昌谷詩滿囊，萬卷魏侯書滿架。忽然起冠東諸侯，黃旗皂纛

從天下。聖朝从唐意未快，尺一東來知徑獵。大材小用古所歎，管仲誰何管仲亞。天山
挂旆或少須，先接銀河洗滌野。中原騷亂等自奮，殘廢犬羊何足嚇。但令小試出緒餘，
青史英豪可雄踔。古來立事戒輕發，往往蹇矣出乘罅。深仇積憤在通湖，不用追思灑亭
夜。

五日

陸游

昔日從戎日，身由許國輕。陣如新井堡，備似鐵山營。整頓臨關守，連營並田耕。至今
悲義士，書帛報番情。（予在興元日，長安將吏以申狀至宜撫司，皆矍鑠，方四五寸紙
，虜中動息必具報）。

縱筆

陸游

故國吾宗廟，空胡我寇讎。桓桓擊虎念，寧假用他謀。望盡遺民老，忘兵志士憂。何時
開浩劫，往讀北平秋。

小出塞曲

陸游

全師出羅塞，百戰運龍韜。金絡洮州馬，珠裝夏國刀。度沙風破肉，攻壘雪平壕。明日受降處，甲齊熊耳高。

新夏感事

陸游

百花過盡綠陰成，漠漠爐香睡晚晴。病起兼旬疎把酒，山深四月始聞鶯。近傳下詔通言路，已卜餘年見太平。聖主不忘初政美，小儒惟有涕縱橫。

聞武均州報已復西京

陸游

自髮將軍亦壯哉，西京昨夜捷書來。胡兒敢作千年計，天意寧知一日迴。列聖仁恩深雨露，中興激發疾風雷。懸知寒食朝陵使，驛路梨花處處開。

歸次漢中境上

陸游

雲棧屏山闕月游，馬蹄初喜蹋梁州。地連秦雍川原壯，水下荆揚日夜流。遺虜孱孱寧遠

路，孤臣野老獨和羹。長時惡作他年恨，大散關頭又一秋。

醉中感懷

陸游

三歲君王記姓名，擬令憔悴客邊城。青衫猶是羶行舊，白髮新從劍外生。古戍旌旗秋慘淡，高城刁斗夜分明。壯心未許全消盡，醉聽檀槽出塞聲。

八月二十六日嘉州大閱

陸游

陌上弓刀擁萬公，水邊旛旌卷秋風。書生又試戎衣窄，山郡新添畫角雄。早事樞庭虛畫策，晚遊幕府愧無功。草間鼠輩何勞禦，要挽天河洗洛嵩。

病起書懷

陸游

病骨支離紗帽寬，孤臣萬里客江干。位卑未敢忘憂國，事定猶須待闔棺。天地神靈扶廟社，京華父老望和鑾。出師一表通今古，夜半挑燈更細看。

月下醉題

陸游

黃鸝飛鳴未免亂，此身自笑欲何之。閉門種菜英雄老，彈劍思魚富貴遲。生擬入山望李廣，死當穿冢近要離。一樽濃醉南樓月，感慨長吟恐過悲。

萬里橋江上習射

陸游

披靡如濤東北傾，胡牀石射及朝晴。風和漸減雕弓力，野迥遙聞羽箭聲。天上彎槍臨河落，草間狐兔不須驚。丈夫未死誰能料，一筍他年下百城。

憶山南

陸游

貂裘寶馬梁州日，盤槊橫戈一世雄。怒虎吼山爭雪刃，驚鴻出塞避雕弓。朝陪策畫清油裏，暮醉笙歌錦幃中。老去據鞍猶憶昨，君王何日伐遼東。

夜泊水村

陸游

腰間羽箭久凋零，太息燕然未勒銘。老子猶堪絕大漠，諸君何至泣新亭。一身報國青蒿死，雙鬢向人無再青。記取江湖泊船處，喚開新雁落寒汀。

感憤

陸游

今皇神武是周宣，誰賦南征北伐篇。四海一家天歷數，兩河百郡宋山川。諸公尚守和親策，志士虛捐少壯年。京洛雪消春又動，永昌陵上草芊芊。

書憤

陸游

早歲那知世事難，中原北望氣如山。樓船夜雪瓜洲渡，鐵馬秋風大散關。塞上長城空自許，鏡中衰鬢已先斑。出師一表真名世，千載誰堪伯仲間。

縱筆

陸游

東都宮闕燼嵯峨，忍聽胡兒殺勒歌。雲隔江潭翔翠鳳，露零荆棘沒銅駝。丹心自笑依然在，白髮將如老去何。安得鐵衣三萬騎，爲君王取舊山河。行省當年駐隴頭，腐儒隨處亦西遊。千鈞衝雪魚關曉，萬竈連雲貉谷秋。天道難知胡更益，神州未復土堪羞。會須滌血齊封事，請報千家九世讎。

書憤

山河自古有平分，京洛腥膻實未聞。劇盜曾從宗父命，遺民猶望岳家軍。上天悔禍終平虜，公道何人肯散羣。白首自知疎報國，尚憑精意祝爐薰。（宗澤守東都，蓋紹興初，語劇盜來歸百萬，號宗爺岳家軍）

感昔

五丈原頭秋色新，當時許國欲忘身。長安之西過萬里，北斗以南惟一人。往事已無遼海鶴，餘年空羨葛天民。腰間白羽凋零盡，却照清溪整角巾。

書憤

白髮蕭蕭臥澤中，紙憑天地際孤忠。匏窮蘇武餐鼠久，虜憤張巡嚼雪空。細雨春燕上林苑，頽垣夜月洛陽宮。壯心未與年俱老，死去猶能作鬼雄。

北望感憤

陸游

陸游

陸游

陸游

蔡河溫洛帝王州，七十年來不黍秋。大事竟爲朋黨誤，遺民空歎歲時遒。乾坤恨入新豐酒，霜露寒侵季子裘。食粟本同天下責，孤臣敢獨廢深憂。

秋夜思南鄭軍中

陸游

五丈原頭刁斗聲，秋風又到亞夫營。昔如埋劍常思出，今作閑雲不計程。盛事何由觀北伐，後人誰可繼西平。眼昏不奈陳編得，挑盡殘燈不肯明。

劍門城北回望劍關諸峯青入雲漢感蜀亡事慨然有賦

陸游

自昔英雄有屈伸，危機變化亦滄巡。陰平窮寇非難禦，如此江山坐付人。

龍興寺弔少陵先生寓居

陸游

中原草草失秦中，成敗胡塵到雨空。萬里遺民身萬里，天寒來此聽江聲。

湖村月夕

陸游

金符紫綬猶能帶，熱酒驅寒不怕寒。安得驪駒三萬匹，月中吹渡桑乾。

夜寒

陸游

斗帳銅窗香霧重，宵聲那可共功名。三更騎報河冰合，鐵馬何人從我行。

雪中忽起從戎之興戲作

陸游

鐵馬渡河風破肉，雲梯攻壘雪生壕。戰奔馬散何勞逐，直斬單于覆寶刀。
十萬無繻出羽林，橫空殺氣結層陰。桑乾沙上初飛雪，未到幽州一丈深。
羣胡束手仗天亡，棄甲縱橫滿戰場。雪下急追奔馬迹，官軍夜半入遼陽。

塞上曲

陸游

將軍許國不懷歸，又見桑乾木葉飛。要識君王念征戍，新秋已報賜冬衣。
金鼓轟轟百里聲，繡旗寶馬照川明。王師仗義從天下，莫道南兵夜斬營。

北望

陸游

北望中原淚滿巾，黃旗空想渡河津。丈夫窮死由來事，要是江南有此人。

秋夜將曉出籬門迎涼有感

陸游

三萬里河東入海，五千仞嶽上摩天。遺民淚盡胡塵裏，南望王師又一年。

夜讀范致能攬轡錄言中原父老見使者多揮涕感其事

陸游

公卿有黨排宗澤，帷幄無人用岳飛。遺老不應知此恨，亦逢漢節解沾衣。

排悶

陸游

丈夫結髮志功名，大事真當以死爭。我昔駐車籌筆驛，孔明千載尚如生。
四十從軍渭水邊，功名無命氣猶全。白頭爛醉東吳市，自拔長刀割短髮。
西窗山前吹笛聲，曲終已過淮陽城。君能洗盡世間念，何處樓臺無月明。

感事

陸游

鷄犬相聞三萬里，遷都豈不有關中。廣陵南幸雄圖盡，淚眼山河夕陽紅。堂堂韓岳兩馳將，駕馭可使復中原。廟謀尙出王莽下，願用金陵爲北門。

書事

陸游

聞道輿圖次第還，黃河依舊抱潼關。會當小駐平戎帳，饒益南亭看華山。關中父老望王師，想見壺漿滿路時。寂寞西溪衰草裏，斷碑猶有少陵詩。鳴綠桑乾盡漢天，傳烽自合過祁連。功名在子何殊我，惟恨無人快著鞭。九天清蹕響春雷，百萬貔貅扈駕回。不獨雨師先洒道，汗流袞袞入淮來。

冬夜聞角聲

陸游

嫋嫋清笳入雪雲，白頭老守臥中軍。自憐到老懷遺恨，不向居延塞外聞。

示兒

陸游

死去元知萬事空，但悲不見九州同。王師北定中原日，家祭無忘告乃翁。

謝楊文昭主簿寄詩楊之父紹興間倅建康不屈於元虜而死

張 棧

運翁嘗賊氣如虹，千載衣冠起慳庸。雙廟已應同下壺，佳兒今喜見甄逢。傳郵贈我凌雲句，斷簡知君學古胸。忠孝可全須力勉，策勳甯復羨侯封。（揚公血食金陵，正與卞將軍祠相望）。

讀近時樂府

薛季宣

天寶龜茲貴尚年，昨淫靡靡到今傳。尋思溱洧桑中調，幾許不如周頌篇。
樂府株離幾百年，知昏漢日暗胡天。周東幸有其戎歎，卻在伊川被髮前。

宿南京

許及之

虛說營屯五萬兵，淒涼無復舊南京。中天王氣終當復，千古封疆只宋城。

登第一山

許及之

登臨休作楚囚悲，遑莫人心知漢思。嗚呼百國今一見，危旆報國在男兒。

幾圍護客數登臨，俄舉神州久陸沉。今日登臨身是客，經行應切此時心。

歸途觀蘆溝橋

許及之

歸軒如玉跨長川，下馬摩挲得細看。他日燕郊如舊識，蘆溝橋下古桑乾。

光武廟

許及之

真人祠殿柏鄉邊，下馬焚香拜講筵。思漢民心今戴宋，秘祈輿運早中天。

題曹娥廟

許及之

當日曹娥念父心，千年江水有哀音。可憐七尺奇男子，忍使神州半陸沈。

少時作

陸九淵

從來膽大胸膈寬，虎豹能萬虬龍千。從頭收拾一口吞，有時此輩未妥帖，嗚呼大嚼無餘。朝飲潮瀾水，暮宿崑崙巖。連山以爲琴，長河爲之絃。萬古不傳音，吾當爲君宣。

盱眙北望

戴復古

北望茫茫渺渺間，鳥飛不盡又飛還。難禁滿目中原淚，莫上都梁第一山。

從軍樂

劉過

芙蓉寶劍纏鶻刀，黃金絡馬花盤袍。臂方腰矢出門去，百戰未怕皋蘭塵。酒酣縱獵自快足，詩成橫槊人稱豪。但期處死得其所，一死政自輕鴻毛。將軍三箭定天山，丞相五月入不毛。生前封侯死廟食，雲臺突瓦秋山高。書生如魚蠹書冊，辛苦傭家真徒勞。兒時鼓篋走京國，漸老一第猶未叨。自嗟賦命如紙薄，始信從軍古云樂。

國殤行

劉克莊

官軍夜半血戰來，平明軍中收遺骸。埋時先剝身上甲，櫛成豸塚高崔嵬。姓名虛挂陣亡籍，家寒無俸孤無澤。烏虜諸將官日穹，豈知萬鬼號陰風。

軍中樂

劉克莊

行營四面設刁斗，帳內深深萬人守。將軍貴重不據鞍，夜夜發兵防隘口。自言兩毬不敢犯，射隼捕鹿來行酒。更闌酒醒山月落，綵練百段支女樂。誰知營中重戰人，紙錢得合金新鑿。

大梁老人行

張克莊

大梁宮中設氈屋，大梁少年好結束。少年嘻笑老人悲，尙記二帝蒙塵時。烏虜國君之體通百世，無人按劍決大議。何當偏師縛頡利，一驢馱載送都市。

朝陵行

劉克莊

國家商陵陷河北，盜發寶衣斧陵木。或言陵下往來人，夜聞翁仲草間哭。何年却遣朝陵官？合桃堆塚登金粟。悲哉人家墳墓各有主，誰修永昌一坏土！

題繫年錄

劉克莊

炎紹諸宮慮未精，今追遺恨尙難平。區區王謝營南渡，草草江徐議北征。往日中丞甘結

好，暮年都督始知兵。可憐白髮宗留守，力請鑾輿幸舊京。

聞何立可李茂欽訃

劉克莊

初歸逆報暗香醇，想見登壇與虜爭。世俗今猶疑許遠，君王原未識真卿。傷心百口同臨火，極目孤城絕救兵。多少虎臣提將印，誰知戰死是書生。

何老長身李白鬚，傳聞死尚握州符。戰場便合營雙廟，太學今方出二儒。史館何人徵遺事，羽林無日訪遺孤。病夫疇昔曾同幕，西望關山涕自濡。

夏日絕句

李易安

生當爲人傑，死亦作鬼雄。至今思項羽，不敢過江東。

讀荆軻傳

高斯得

夜讀荆軻傳，捲卷喟然歎。結交天下士，賢哉太子丹。報秦一片心，秋蓮孤劍寒。介紹卽先生，得結荆卿歡。太子一語疑，先生甘自殘，荆卿欲藉手，臨事敢開口。走見樊於

期，願借將軍首。將軍搃掬言，念此固已久。得復平生讎，性命何足有。四雄英烈風，精神凌白虹。幽蘭初未人，氣已吞祖龍。其事雖不就，簡牘光無窮。奈何今之人，蹙縮如寒蟲。

孤憤吟

高斯得

甲戌十一月以後邊事日急作此以紀一時之事

檣危當權十五年，始終只被一私纏。人心失盡天心怒，燎火炎炎故不然。
金縢私許北方盟，君父前頭却隱情。今日禍胎從此始，罪浮孽楨與權京。
先帝方歸盛德園，龍輅半夜浙江邊。孤臣泣血無他請，願把姦臣訴九天。
軍功開東萬人多，兵部門前雀可羅。悍將武夫心失盡，可知棄甲與投戈。
國家元氣是人材，稍露光芒盡力揮。今日舉朝皆婦女，邦衡此語亦誠哉。
掃除學法暗諸生，精銳銷磨直可坑。乞斬三姦亦人爾，汝曹何忍負齋羹。
無罪無辜竄逐人，幾經大需不沾恩。更將改正張羅網，結盡千千萬萬冤。

驅買民田自贖膚，大家破盡爲催租。幾多怨氣冲霄漢，天欲無誅可得乎！
督帳行趨建業東，壯哉迎敵氣如虹。勸君猛捨一腔血，莫學檀公誤乃翁。
乘桴願浩元無策，進爵豐公妙達權。寧死老身終不去，太皇此語可回天。
覆按山陵挈累行，金多季子憂膏體。殿中御史尤堪戮，盡室逃歸駭一城。

塗封癸酉游愚恣，第一親征大守江。晴得血流無用處，自憐弱步要豐扛。

正氣歌

文天祥

余因北庭，坐一土室，室廣八尺，深可數尋。單扉低小，白間知窄，汗下而齒暗。
。當此夏日，諸氣萃然，雨潦四集，浮動牀瓦，時則爲水氣。塗泥半乾，蒸溽歷
瀾，時則爲土氣。乍晴暴熱，風道四塞，時則爲日氣。簷陰薪爨，助長炎虐，時
則爲火氣。倉廩寄頓，陳陳逼人，時則爲米氣。駢肩雜處，腥臊汗垢，時則爲人
氣。或圍溷浮屍，或腐鼠雜出，時則爲穢氣。總是數氣，當者鮮不爲腐。而余以
孱弱，俯仰其間，於茲二年矣。是殆有養致然爾。然亦安知所養何哉！蓋子曰，

我善養吾浩然之氣。彼氣有七，吾氣有一，以一敵七，吾何患焉。况浩然者，乃天地之正氣也。作正歌一首。

天地有正氣，雜然賦流形。下則爲河嶽，上則爲日星。於人曰浩然，沛乎塞蒼冥。皇路常清夷，含和吐明庭。時窮節乃見，一一垂丹青。在齊太史簡，在晉董狐筆。在秦張良椎，在漢蘇武節。爲嚴將軍頭，爲稽侍中血。爲張睢陽齒，爲顏常山舌。或爲遼東帽，清操厲冰雪。或爲出師表，鬼神泣壯烈。或爲渡江楫，慷慨吞胡羯。或爲擊賊笏，逆豎頭破裂。是氣所磅礴，凜冽萬古存。當其貫日月，死生安足論。地維賴以立，天柱賴以尊。三綱實係命，道義爲之根。嗟余遘陽九，隸也實不力。楚囚纓其冠，傳車送窮北。鼎鑊甘如飴，求之不可得。陰房闔鬼火，春院闕天黑。牛驥同一皂，雞棲鳳凰食。一朝蒙霧露，分作溝中瘠。如此再寒暑，百沴自辟易。嗟哉沮洳場，爲我安樂國。豈有他繆巧，陰陽不能賊。顧此耿耿存，仰視浮雲白。悠悠我心悲，蒼天曷有極。哲人曰以遠，與聖在夙昔。風簷展書讀，古道照顏色。

常州

文天祥

常州，宋昭陽郡也。北兵憤其堅守，殺戮無遺，死者忠義之鬼，哀哉！山河千里在，煙火一家無。壯甚昭陽守，冤哉馬邑屠。蒼天如可問，赤子果何辜。磨齒握封堦，撫膺三歎吁。

鎮江

文天祥

至京日子以十八年曾自鎮江趨京今自京趨鎮江俯仰感嘆爲之流涕
鐵甃山河舊，金甌宇宙非。昔隨西日上，今見北軍飛。豪傑非無志，功名自有機。中流懷士雅，風雨溼雙扉。

安慶府

文天祥

風雨宣城路，重來白髮新。長江還有險，中國自無人。梟鏡蕃遺育，鱣鯨蟄怒鱗。泊船休上岸，不忍見遺民。

建康

文天祥

金陵古都會，南渡舊陪京。山勢猶盤礴，江流已變更。健兒徒幽國，新鬼哭臺城。一片清溪月，偏於客有情。

真州驛

文天祥

山川如識我，故舊更無人。俯仰干戈跡，往來車馬塵。英雄遺算晚，天地暗愁新。北首燕山路，淒涼夜向晨。

過零丁洋

文天祥

上巳日，張元帥令李元帥過船，請作書招諭張少保投拜，遂與之言，我自救父母不得，乃教背父母可乎。書此詩遺之，李不能強。持詩以達張，但稱好人好詩，竟不能逼。

辛苦遭逢起一經，干戈落落四周星。山河破碎風拋絮，身世飄搖雨打萍。惶恐灘頭說皇

怨，零丁洋裏歎零丁。人生自古誰無死，留取丹心照汗青。

金陵驛

文天祥

草合離宮轉夕暉，孤雲飄泊復何依。山河風景元無異，城郭人民半已非。滿池蘆花和我老，舊家燕子傍誰飛。從今別却江南日，化作啼鵝帶血歸。

萬里金甌失壯圖，衰衣顛倒落泥塗。空流柱石營中血，半脫驪龍頰下鬚。老去秋風吹我惡，夢回寒月照人孤。千年成敗俱塵土，消得人間說丈夫。

秦和

文天祥

齊生曾擁碧油幢，恥與羣兒共豎降。漢節幾回登快閣，楚囚今度過澄江。丹心不改君臣誼，清淚難忘父母邦。莫訝鄉人知我瘦，經旬絕粒坐蓬窗。

感興

文天祥

萬里雲山斷客魂，浮雲心事舊乾坤。朝聞夕死吾何恨，坐把春秋子細論。

親事

文天祥

余詣北營，辭色慷慨。初見大酋，語之云、講解一段，乃前宰相首尾，非予所與知。今皇以予爲相，予不敢拜，先來軍前商量。伯顏云，丞相來勾當大事，說得是。予云，本朝承帝王正統，衣冠禮樂之所在，北朝欲以爲國祚，欲毀其社稷，大會以虜詔爲解說，謂社稷必不動，百姓必不殺。予謂爾前後約吾使多失信，令兩國丞相親定盟好，宜退兵平江，或嘉興。俟講解之說達北朝，看區處如何，却續議之。時兵已臨京城，紆急之策，惟有款北以爲後圖，故云爾。予與之辯難甚至，云能如子說，兩國成好，幸甚。不然南北兵禍未已，非爾利也。北辭漸不遜。予謂吾南朝狀元宰相，但只一死報國，刀鋸鼎鑊，非所懼也。大會爲之辭屈而不敢怒，諸酋相顧動色，稱爲丈夫。是晚，諸酋議良久，忽留予營中。當時覺北未敢大款無狀，及予既繫維，賈餘慶以途迎繼之，而國事遂不可收拾。痛哉，痛哉！

三宮九廟事方危，狼子心腸未可知。若使無人折狂虜，東南那個是男兒。
春秋人物類能言，宗國常因口舌爭。我亦瀕危專對出，北風滿野負乾坤。
單騎堂堂詣虜營，古今禍福了如陳。北方相顧稱男子，似謂江南尚有人。
百色無厭不可支，甘心賣國問爲誰。豺狼尚畏忠臣在，相戒勿令丞相知。
慷慨輕生墮漢黎，羶羊生乳是歸期。豈無從吏私袁盎，恨我從前少侍兒。
英雄未肯死前休，風起雲飛不自由。殺我混同江外去，豈無曹翰守幽州。

則堂

文天祥

比入京城，賈餘慶迎逢賣國，既令學士降詔，俾天下州郡歸附之。又各州付一省
諭。惟樞密則堂家先生懿翁，於省筭上不肯押號。吳丞相堅號老儒，不能自持，
一切惟賣餘慶之命，其快則甚矣。程鵬飛見則堂不肯奉命，堂中作色，欲縛之
去。則堂云，中書省無縛執攻之理，歸私廳以待執。北竟不敢誰何。予在北以忠
義孤立，聞其事以自壯云。山河四塞號甌金，藝祖高宗實鑒臨。一日盡將輸敵手

，何人賣國獨甘心。

中書堂帖下諸城，搖首庭中號獨清。此後方知樞密事，從今北地轉相驚。

二王

文天祥

峻都館看，一日，問度宗幾子？答曰，三子。問皇帝是第幾子？答曰，第二子，立嫡也。問第一子，三子，封王乎？曰，一吉王、二信王。問今何在？曰，大臣護之去矣。駭云，去何處？曰，非關則廣，宋疆土萬里，儘有世界在。云，既是一家，何必遠去？曰，何爲恁地說？宗廟社稷所關，豈是細事？北朝若待皇帝好，則二王爲人臣。若待皇帝不是，即便別有皇帝出來。二酋爲之愕眙不能對。

一馬渡江開晉土，五龍夾日復唐天。內家苗裔眞隆準，虜運從來無百年。

衣帶贊

文天祥

孔曰成仁，孟曰取義。惟其義盡，所以仁至。讀聖賢書，所學何事？而今而後，庶幾無

愧。

書儿上詩

趙卯發

國不可背，城不可降。夫婦同死，節義成雙。

臨難寄仲子

陳文龍

斗學孤危勢不支，書生守志定難移。自經溝瀆非吾事，臣死封疆是此時。應把縲囚供覆鼓，未聞烈士樹降旗。一門百指淪胥盡，惟有丹衷天地知。

題鶴林寺

陸秀夫

歲月未可盡，朝昏屢不眠。山前多古木，床上半殘編。牧犢飲溪水，助僧耕稻田。寺門久斷掃，分食愧農賢。

文丞相兵挫循州詩以述之

李春叟

手持盔甲挽天河，鉄石心肝尚枕戈。賓客三千毛遂少，將軍百戶李陵多。風波如此子焉

往？天道不然人奈何！嶺海書生今老矣，天涯無石爲君磨。

哭陸秀夫

方鳳

時危方擁幼，勢極尙扶顛。驚背舟中國，龍蟠水底天。鞏存周已晚，蜀盡漢無年。獨有丹心皎，長依海日懸。

哭橋陵

何林桂

百年弓劍入橋陵，豈料三泉化劫塵。空有漁燈照荒土，忍將玉軸問遺民。蒼梧日落啼丹雀，金粟雲深臥石麟。寒食家家上丘冢，六宗孟飯屬何人？

梅邊

何林桂

江南何處美人家？認似梅花尙恐差。近向梅邊得春信，始知人好似梅花！

西臺哭所思

謝翱

幾年哭知己，白日下荒臺。淚落吳江水，隨朝到海迴。故衣猶染碧，瘠土不憐才。未老

山中客，唯應賦八哀。

散髮

謝翱

乾坤一楚囚，散髮向滄洲。詩病多於馬，身閒不似鷗。因看東去水，都是夜來愁。晚意落花覺，殘枝香更幽。

過杭州故宮

謝翱

禾黍何人爲守關，落花臺殿暗銷魂。朝元閣下歸來燕，不見前頭鸚鵡言。紫雲樓閣譙流霞，今日淒涼佛子家。殘照下山花霧散，萬年枝上掛袈裟。

重過

謝翱

復道垂楊草欲交，武林無樹看凌霄。野猿引子移來往，覆盡花枝翡翠巢。滿江風雨動諸陵，無主園池草自春。聞說就中誰最泣？女尼猶是舊官人。

浮丘道人招魂歌

汪元量

有客有客浮丘翁，一生能事今日終。驚風雪窟身不容，寸心耿耿摩蒼空。睢陽臨難氣塞充，大呼南人男兒忠。我公就義何從容，名垂竹帛生英雄。嗚呼！一歌兮歌無窮，魂招不來何所從！

有母有母死南國，天氣黯淡殺氣黑。忍埋玉骨崖山側，蓼莪劬勞淚沾臍。孤兒以忠報罔極，拔舌剖心命何惜！地結黃弘血成碧，九泉見母無言責。嗚呼！二歌兮歌復憶，魂招不來長嘆息！

有弟有弟隔風雪，音信不連雁飛絕。獨處空廬坐繹綵，短衣凍指不能結。天生男兒硬如鐵，百力飛空肢體裂。此時與汝成永訣，汝於何處收兄骨。嗚呼！三歌兮歌聲咽，魂招不來淚流血！

有妻有妻不得顧，饑走荒山汗如雨。一朝中道逢狼虎，不肯偷生作人婦。左掖虞姬右陵母，一朝捐劍剛自許。天土地下吾與汝，夫爲忠臣妻烈女！嗚呼！五歌兮歌聲苦，魂招不來在河所？

有詩有詩吟嘯集，紙上飛歎啞香汁。杜陵寶唾手親拾，滄海月明老珠泣。天地長留國風什，鬼神護呵六丁立。我公筆勢人莫及，每一吟吟淚痕溢。嗚呼八歌兮歌轉急，魂招不來風習習！

有官有官位卿相，一代儒宗一敬讓。家亡國破身漂蕩，鐵漢生擒今北向。忠肝義膽不可狀，要與人間留好樣。惜哉斯文天已喪，我作哀章淚淒愴。嗚呼九歌兮歌始放，魂招不來默惆悵！

湖州歌

汪元量

丙子正月十有三，搗鞞伐鼓下江南。皋亭山下青烟起，宰執相看似醉酣。
萬馬如雲在外間，玉階仙仗罷趨班。三宮北面議方定，遣使皋亭慰伯顏。
殿上羣臣噤不言，伯顏丞相趣降箋。三宮共在珠簾下，萬騎如雲趨殿前。
謝了天恩出內門，駕前喝道上將軍。白旄黃鉞分行立，一點猩紅似幼君。
北望燕雲不盡頭，大江東去水悠悠。夕陽一片寒鴉外，目斷東西四北州。

一出宮門上畫船，紅粧白日斃神仙。山長水遠愁無那，又見江南月上弦。
受降城下草離離，寒食清明只自悲。漢寢秦陵何處在？鶯花無主雨如絲。
金陵昨夜有降齊，更說揚州一戰輸。淮北淮南清未了，又添軍馬下東吳。
鐵甌城頭馬亂嘶，金陵城下砲如飛。黑風捲地鼓聲急，昨夜常州又受圍。
曉來宮羅去如飛，掠髮鬢雲淺畫眉。風雨淒淒能自遣，三三五五坐彈棋。
莫雨蕭蕭酒力微，江頭楊柳正依依。宮娥抱膝船窗坐，紅淚千行濕繡衣。
曉鬢鬆鬆懶不梳，忽聽人說是南徐。手中明鏡拋船上，半揭篷窗看打魚。
滿船明月夜鳴榔，船上宮人燒夜香。好是燒香得神力，片帆穩送到漁陽。
寧執連篷向北行，淮南夜夜曳燈青。雖然適意無南北，生死難逃篩下星。
雨打梅花草葶葶，野渡灰餘屋數椽。兵馬渡江人走盡，民船拘斂作官船。
宮人清夜按瑤琴，不識明妃出塞心。十八拍中無限恨，轉絃又奏廣陵音。
青天澹澹月荒荒，兩岸淮田盡戰場。宮女不眠開眼坐，更聽人唱哭襄陽。

翠鬢半髷倦梳妝，楊柳風前陣陣涼。絃索懶拈縮纖手，龍涎猶嚼口脂香。
鳳管龍笙處處吹，都民歡樂太平時。宮娥不識興亡事，猶唱宣和御製詞。
丞相權人急放舟，舟中兒女淚交流。淮南漸遠波聲小，猶見揚州望火樓。
一半淮江半浙江，怒潮日夜自相撞。揚州昨夜軍書至，說道淮安未肯降。
金屋煌煌麗九天，朝歌夜舞饒神仙。尋常只道西湖好，不識淮南是極邊。
官軍兩岸護龍舟，麥飯魚羹進不休。宮女垂頭空作惡，暗拋珠淚落船頭。
都人不識有干戈，羅綺叢中樂事多。一夜月明天漠漠，漢人歌罷楚人歌。
太皇太后過江都，遙指淮山是畫圖。拋却故家風雨外，夜來歸夢遶西湖。
蘆荻颯颯風亂吹，戰場白骨暴沙泥。淮南兵後人烟絕，新雨燈前醉王妃。
篷窗倚坐酒微醺，淮水無波似蔚藍。雙櫓擘擘搖不住，望中猶自是江南。
銷金帳下忽天明，夢裏無情亦有情。何處亂山可堆骨？暫時相對坐調笙。
宮人夜泊近人家，瞥見紅榴三四丫。猶說初離行在所，玉蘭無數牡丹花。

長淮風定浪濤寬，錦櫂搖搖上下灣。兵後人烟絕稀少，可勝戰骨白如山。
使臣開闢疆高郵，楊柳絲絲拂去舟。宮女推篷猶自笑，閒拋金彈打沙鷗。
北風吹雨入篷間，宮女腰肢瘦怯寒。阿監隔船相借問，計程今日到淮安。
船泊邳州古岸傍，斜風細雨送昏黃。美人十十船中坐，猶把金猊注好香。
歌風臺畔水涵涵，地面官人餽酒葦。宮女上船嬉一霎，不禁塵土污衣裙。
滿朝宰相出通州，迎接三宮不肯休。六十里天圍錦帳，素車白馬月中游。
會同館裏紫蒙茸，蘭麝飄來陣陣風。簫鼓沸天迴雁舞，黃羅帳幔燕三宮。
皇帝初開第一筵，天顏問勞意綿綿。大元皇后同茶飯，寔罷歸來月滿天。
第二筵開入九重，君王把酒勸三宮。駝峯割罷行酥酪，又進椒盤剝嫩蔥。
第十瓊筵徹禁庭，兩邊丞相把壺瓶。君王自勸三宮酒，更送天香近玉屏。
一人不殺謝乾坤，萬里來來謁帝關。高下授官隨品從，九流藝術亦沾恩。
僧道恩榮已受風，上庠儒者亦恩隆。福王又拜平原郡，約主新封瀛國公。

金屋妝成物色新，三宮日用御廚珍。其餘宮女千餘箇，分嫁幽州已斷輪。
每月支糧萬石鈞，日支羊肉六千斤。御廚請給葡萄酒，別賜天鵝與野麋。
三宮寢室異香飄，貂鼠氈簾錦繡標。花毯褥調三萬件，織金鳳被八千條。
客中忽忽又重陽，滿酌葡萄酒當菊觥。謝后已叨新聖旨，謝家田土免輸糧。
雪裏天家賜炕羊，兩壺九醞紫霞觴。三宮夜給千條燭，更賜高麗黑玉香。
三殿加餐強自寬，內家日日問平安。大元皇后來相探，特賜絲絀二百單。
萬里修途似夢中，天家賜子意無窮。昭儀別館香雲煖，自把詩書授國公。
萬里關孤夜憶家，邊城吹角更吹笳。須臾勅使傳言語，今日天庭賞雪花。
江南郡守列金階，內裏華筵日日排。文武官僚多二品，還鄉盡帶虎頭牌。
四川管師尚粗豪，萬里來燕貢一遭。奏授虎符三百面，內家更賜織金袍。
九重黃燭照籬櫺，三殿乘輿去賀冬。金面垂垂多喜色，史官書瑞奏年豐。
曉望燕雲正雪天，閉門氈帳恣高眠。內家遺鈔三千錠，添賜三宮日用錢。

雨下金闕錦御階，異香縹緲五雲開。都人罷市從容立，迎接南朝騎馬來。
杭州萬里到幽州，百詠歌成意未休。燕玉偶然通一笑，歌喉宛轉作吳謳。

越州歌

汪元量

淮南四壁草離離，萬櫂千艘水上飛。旗幟蔽江金鼓震，伯顏丞相過江時。
東南半壁日昏昏，萬騎臨軒趣勁君。三十六宮隨盡去，不堪回首望吳雲。
一陣西風滿地烟，千軍萬馬浙江邊。官司把斷西興渡，要奪漁船作戰船。
西峯雲鎖幾時開，昨夜京城戰鼓哀。漁父生來載歌舞，滿頭白髮見兵來。
秋風吹雨暗天涯，越鳥哀翻何以家。嶺上萬松都斫盡，西湖新路欲排叉。
師相平章誤我朝，千秋萬古恨難銷。蕭牆禍起非今日，不賞軍功在斷橋。
魯港當年傀儡場，六軍盡笑賈平章。三聲羅響三更後，不見人呼魏大王。
賈廟巍巍盡敬封，秦齊兩國受恩同。木棉菴下無依鬼，合策麒麟第一功。
羣臣上疏納忠言，國害分明在目前。只論平章行不法，公田之後又私田。

內湖二月賞新荷，錦纜龍舟緩緩拖。醉裏君王宣樂部，隔花教唱采蓮歌。
年年宮柳好春光，百囀黃鸝遠建章。恰杏天桃紅勝錦，牡丹屏裏燕諸王。
青夢吳山列御筵，三千宮女燭金蓮。而今莫說夢中夢，夢裏吳山只自憐。

醉歌十首

注元量

呂將軍在守襄陽，十載襄陽鐵脊梁。望闕援兵無信息，聲聲罵殺賈平章。
援兵不遣事堪哀，食肉權臣大不才。見說襄樊投拜了，千軍萬馬過江來。
淮襄州郡盡歸降，鞞鼓隨天入古杭。國母已無心聽政，書生空有淚成行。
六宮宮女淚漣漣，事主誰知不盡年。太后宣傳許降國，伯顏丞相到籬前。
亂點連聲殺六更，熒熒庭燎待天明。侍臣已寫歸降表，臣妾僉名謝道清。
衣冠不改只如先，關會通行滿市廛。北客南人成買賣，京城依舊使時錢。
北師要討撒花銀，官府行移逼市民。丞相伯顏猶有語，學中要揀秀才人。
湧金門外雨晴初，多少紅船上下趨。龍管鳳笙無韻調，却搥戰鼓下西湖。

南苑西宮棘露牙。萬年枝上亂啼鴉。北人環立欄干曲，手指紅梅作杏花。
伯顏丞相呂將軍，收了江南不殺人。昨日太皇請茶飯，滿朝朱紫盡降臣。

城下歌

注元量

西塞山邊日落處，北關門外雨來天。南人墮淚北人笑，臣甫低頭拜杜鵑。

題陸放翁詩卷後

林景熙

天寶詩人詩有史，杜鵑再拜淚如水。龜堂一老旗鼓雄，勁氣往往摩其壘。輕裘駿馬成都花，冰隨雪棹建溪茶。承平靡節半海寓，歸來鏡曲盟鷗沙。詩墨淋漓不負酒，但恨未飲月氏首。牀頭孤劍空有聲，坐看中原落人手。青山一髮愁濛濛，干戈已滿天南東。來孫却見九州同，家祭如何告乃翁！

夢中作

林景熙

珠亡忽震蛟龍睡，軒敞寧忘犬馬情。親拾寒瓊出幽草，四山風雨鬼神驚。

一城自築珠丘土，雙匣猶傳竺國經。獨有春風知此意，年年杜宇泣冬青。
昭陵玉匣走天涯，金粟堆前幾暮鴉。水到蘭亭轉嗚咽，不知真帖落誰家？
珠冕玉雁又成埃，斑竹臨江首重回。猶憶年時寒食祭，天家一騎捧香來。

宋武帝居今爲壽邱寺

林景熙

青衣夢破滿林煙，一擲乾坤亦偶然。僧屋翠微看月上，江山猶是永初年。

天柱峯

林景熙

誰作孤峰紫翠顛，流泉一脈到宮前。却憐千尺擎天柱，不東東南半壁天。

春日聞杜鵑

謝枋得

杜鵑日日勸人歸，一片歸心誰得知？望帝有神如可問，謂予何日是歸期？

寄南北友人

家鉉翁

曾向錢唐住，聞鵑憶蜀鄉。不知今夕夢，到蜀到錢唐？

陷虜歌

德祐乙亥十二月八日作
又名斷頭歌

鄭思肖

德祐初年臘月二，逆臣叛我舊城地。城外蕩蕩爲丘墟，積骸漂血彌田里。城中生靈氣如
整，與賊爲徒廿六日。蚩蚩橫目無所知，低面賣笑如相識。彼儒衣冠誰家子，靡然相從
亦如此。不知平日讀何書？失節抱虎反矜喜。有粟可食不下咽，有頭可斷容我言。不忍
我家，與國同休，三百十六年。閱歷凡幾世，忠孝已足傳。足大宋地，首大宋天，身大
宋衣，口大宋田，今棄我卅五歲父母玉成之身，一旦爲氓受虜塵。我憶我父教我者，日
夜滴血哭成顛。我有老母病，老病相依爲命生。餘生欲死不得爲孝子，欲生不得爲忠臣
。痛哉辨胸叫大宋，青青在上寧無聞？自言帝王行仁政，惟有我朝天子聖。老天高眼不
昏花，豈極下土蒼生命。忍令此賊恣殺氣，顛倒上下亂綱紀。厥今帝怒行大刑，一怒天
下淨如洗。要荒仍歸禹疆土，四海草木霽新雨。應客隱者入深密，歲收芋栗供母食。對
人喙口不肯開，面卻虛空雙眼白。

寫憤

鄭思肖

天命尙屬漢，大夫空義新。三宮猶萬里，一念只孤臣。淚盡眼中血，心狂夢裏身。勿云今已矣，舉首即蒼旻。

未能歸趙璧，我不厭干戈。萬古青天在，三年白骨多。春風仍歲月，世界自山河。寧忍委國難，飛身入薜蘿。

北虜昔深入，東甌亦未曾。江山能幾戰，風雨廢諸陵。雲盡喜天出，雪殘願日深。蒼蒼今悔禍，讖應兩中興。

寫憤

鄭思肖

自許志頗大，頻歌慷慨辭。攢眉無說處，仰面獨行時。豪傑心猶竄，生靈命若絲。當今欲平治，舍我則云誰？

閉眼看得得，愁來只自顛。六年萬憂苦，四海一腥羶。歎命巧相值，觀時痛可憐。却慙

深夜月，猶忍照胡天。

朝廷罹禍亂，民物苦顛連。晉帝渡江識，唐皇幸蜀年。割雲行白日，翻海洗青天。辦得大事了，胸中卽泰然。

自挽 德祐乙亥臘作

鄭思肖

堂堂男子不封侯，與命爲仇死未休。陷虜有歌春夢斷，哭天無地夜魂愁。九清風露極玄處，萬古虛空自在遊。痛恨莫能生報國，從今陰隲溥南州。

自題大義集後

鄭思肖

長夜漫漫發浩歌，生民塗炭果如何？中興車馬修攘在，變雅君臣廢缺多。赤幟開明新日月，青旌恢拓舊山河。誓崇忠義誅姦逆，田海雖遷志不磨。

東粵廟

真山民

額欄斜照網蛛絲，陳迹淒涼萬古悲。柘水尚鳴亡國怨，山松曾見受封時。碑因苔蝕無完

字，城爲侵田失舊基。當日東甌知幾戰，如今贏得一荒祠。

題汪水雲湖山類稿

李珣

天地事如許，英雄鬢已斑。淚添東海水，愁壓北邙山。

蘇李泣別圖

劉辰翁

事已矣，泣何爲！蘇武節，李陵詩。噫！

宣政末所作

馬定國

蘇黃不作文章伯，童蔡翻爲社稷臣。三十年來無定論，到頭姦黨是何人！

題五丈原武侯廟

郝居中

籌筆無功事可哀，長星飛墮蜀山摧。三分豈是平生志，十倍寧論蓋世才。壞壁丹青仍白羽，斷碑文字只蒼苔。夜深老木風聲惡，尙想斜囊高馬來。

雪中過虎牢

李泂

蕭蕭行李戛弓刀，踏雪行人過虎牢。廣武山川哀阮籍，黃河襟帶控成皋。身經戎馬心逾壯，天入風雲氣更豪。橫槊賦詩男子事，征西誰爲謝諸曹？

壬辰十二月車駕東狩後卽事

元好問

翠被恩恩見執鞭，戴盆鬱鬱夢瞻天。只知河朔歸銅馬，又說臺城墮紙鳶。血肉正應皇極數，衣冠不及廣明年。何時真得攜家去？萬里秋風一釣船。

慘澹龍蛇日鬥爭，干戈直欲盡生靈。高原水出山河改，戰地風來草木腥。精衛有冤填瀚海，包胥無淚哭秦庭。并州豪傑知誰在？莫擬分軍下井陘。

盤踞圍城度兩年，愁腸飢火日相煎。焦頭無客知移突，曳足何人與共船？白骨又多新死鬼，青山元有地行仙。西南三月音書絕，落日孤雲望眼穿。

萬里荆襄入戰塵，汴州門外卽荆榛。蛟龍豈是池中物，蟻豎空悲地上臣。喬木他年懷故國，野煙何處望行人。秋風不用吹華髮，滄海橫流要此身！

五雲宮闕露盤秋，銀漢無聲挂樹稠。複道漸看連上苑，戈船仍擬下揚州。曲中青豕傳新

怨，夢裏華胥失舊遊。去去江南庾開府，鳳樓昨夜莫回頭。

橫波亭

元好問

孤亭突兀插飛流，氣壓元龍百尺樓。萬里風濤接瀛海，千年豪傑壯山邱！疏星澹月魚龍夜，老木清霜鴻雁秋。倚劍長歌一杯酒，浮雲西北是神州。

秋日載酒光武廟

元好問

美酒良辰邂逅同，赤眉城北漢王宮。百年星斗歸天上，萬古旌旗在眼中。草木暗隨秋氣老，河山長爲昔人雄。一杯逕醉風雲地，莫放銀盤上海東。

宋理宗南樓風月橫披

劉因

試聽陰山勦勒歌，朔風悲壯動山河。南樓烟月無多景，緩步微吟奈爾何！
物理興衰不可常，每從氣運見文章。誰知萬古中天，只辨南樓一夜涼。

博浪沙

陳孚

一擊軍中膽氣豪，祖龍社稷已顛搖。如何十二金人外，猶有人間鐵未消。

岳鄂王墓

趙孟頫

鄂王墳下草離離，秋日荒涼石獸危。南渡君臣輕社稷，中原父老望旌旗。英雄已死嗟何及！天下中分遂不支。莫向西湖歌此曲，水光山色不勝悲。

送人從軍

揭傒斯

妙年好文又好武，一旦從軍氣如虎。彎弓已作滿月圖，拔劍更逐回風舞。悲笳四起旌旆愁，蒼山偃塞黃雲浮。陣前手繫降王頸，馬上仍懸猛將頭。復仇義大身命小，順天將軍古來少。一戰功成六合清，不用黃金印如斗。

拒馬河

傅若金

落日蒼茫異，秋風慷慨多。燕雲餘古色，易水尚寒波。岸絕船通馬，沙交路入河。行人悲舊事，含憤說荆軻。

弔岳王墓

林泉生

誰收將骨葬西湖，已卜他年必沼吳。孤冢有人來下馬，六陵無樹可啼烏。廟堂短計慚齷齪，宇宙惟公是丈夫。往事重觀如敗局，一盞燈火屬浮圖。

西湖竹枝詞

于立

儂家住在湧金門，青見高峰白見雲。嶺上已無丞相宅，湖邊猶有岳王墳。

裂帛書詩

何氏

妾長朱門十九春，豈期今逐虜囚奔。失身無補君王事，死節難酬夫壻恩。江靜從教沈弱質，月明誰與弔歸魂！只愁父母難相見，願與來生作子孫。

座上題詩

徐氏

平康巷裏掌中身，翠舞珠歌玉樹春。不得藉除今幾死，天教媚婦愧降臣。

贈夏貴

無名氏

自古誰無死，惜公遲四年。問公今日死，何似四年前！

弔夏賁墓

無名氏

享年八十三。而七十九。嗚呼夏相公，萬古各不朽！

從軍五更轉

劉基

一更戍鼓鳴，市人斷人聲。風吹鴻雁過，憶弟復思兄。
二更月上城，照見兜鍪光。側身望山川，淚落百千行。
三更悲風起，樹上烏鵲鳴。枕戈不能眠，荷戈繞城行。
四更城上寒，刁斗鳴不歇。披衣出戶視，太白光如月。
五更星斗稀，霜葉光爛爛。健兒爭早起，拂拭寶刀看。

從軍

陳汝言

蕭蕭戎馬鳴，悠悠赴遐征。洒涕別親戚，前行有期程。骨肉恩難斷，負戈且吞聲。開邊報明主，寧願死與生。

我非將門子，生本良家兒。少年事馳騁，射獵南山陲。邦家之急難，詔書下丹墀。跨馬出門去，立身當及時。

平沙浩漫漫，行邁不遑歇。父母生我時，豈知從戰伐。風吹隴頭樹，月照原上骨。成功勒燕然，千載名不沒。

筋帶與隴水，嗚咽夜復朝。後營何可駛，前軍去已遙。天高月皎皎，野闊風蕭蕭。寧知主將略，不在弓與刀。

去年滅龜茲，今年斬樓蘭。不尋道里遠，但念衣裳單。北風捲沙雲，溽溽日夜寒。安邊在今日，焉敢辭苦難。

將以勇而決，兵以鍊而精。信賞乃必罰，置死而後生。勿云古人長，勿視今人輕。一念苟忠義，活人有全名。

下馬滄海頭，磨洗刀上血。翻思殺敵時，奮勇肝膽熱。丈夫身許國，此心久已決。生當樹功勳，死當立忠節。

李陵泣別圖

袁 凱

上林木落雁南飛，萬里蕭條使節歸。猶有交情兩行淚，西風吹上漢臣衣。

阿那瓌

高 啓

牛羊草漫野，大帳陰山下。十萬控弦兒，聞竽齊上馬。

吳鉤行

高 啓

吳鉤若霜雪，吳人重遊俠。尊前含笑看，上有仇家血。

少年行

高 啓

下直平明出禁門，笑提博局伴^孫。寶刀不敢將輸却，明日沙場欲報恩。

錢塘懷古

張以寧

荷花挂子不勝悲，江介繁華異昔時。天目山來孤鳳歇，海門潮去六龍移。賈充誤世終無策，庾信哀時尚有祠。莫向中原誇絕景，西湖遺恨似西施。

過辛稼軒神道弔以詩

張以寧

長陞秋雲白日陰，太行天黨氣蕭森。英雄已盡中原淚，臣主元無北渡心。年晚陰符仙盡化，夜寒雄劍老龍吟。青山萬折東流去，春暮鶻啼宰樹林。

贛州鬱孤臺吊辛稼軒

張以寧

鬱孤臺前雙玉虹，一杯遙此降英雄。風雲有恨古人老，天地無情流水東。精衛飛沈滄海土，鷓鴣啼斷晚山中。清江不管人間事，烟雨年年屬釣翁。

嘉興有感陸宣公事

張以寧

官家忘却奉天時，歲晚忠州兩鬢絲。今日北來車馬客，夕陽祠下讀殘碑。

題鄭所南宅

王賓

自從宋鼎被遷移，此宅飄零棄與誰？人間先生垂淚答，國亡何用念家爲！

勉學詩

方孝孺

驅車入東洛，策馬上西京。所還何表表，莫非公與卿。旌旆出廣路，百步辟人行。前旛與後擁，不絕如雷轟。入生處圍阨，孰不思灌榮。此途良足樂，此任苦不輕。丈夫誓許國，身作萬里程。永懷鼎足戒，毋使公諫傾。

田單拜齊將，即墨秦孤危。羣心效死鬥，燕士不敢支。一朝寵祿盛，惜身思自持。小敵竟不下，大寇空苦策。功名每如此，樹立終陵夷。國家匪憂患，寵爾將何爲！動懷首鼠計，退與災禍期。向非魯連子，身死節亦虧。

人生四海內，同作兄弟看。一夫向臨泣，滿座爲無歡。豈我無衣裳，念爾饑且寒。豈我無梁肉，爲爾不能餐。胡爲自汨沒，功利日相殘。譬如同母兒，給之豆與箠。奪彼以與此，終非心所安。

黃河西北來，云自崑崙墟。經行非一山，回薄半九州。上有不測源，下有無盡流。萬化同此機，不知幾春秋。分明天地心，不爲淺狹謀。癡人用小計，顛倒若無求。安得申韓氏，化爲古伊周。

登北固山懷古

姚廣孝

憑欄年來戰血殷，煙花猶自半凋殘。五州山近朝雲亂，萬歲樓空夜月寒。江水無潮通鐵練，楚田有路到金壇。蕭梁事業今何在？北固青青眼盡看！

詠石灰

于謙

千鎚百鍊出深山，烈火燒來只等閒。粉身碎骨渾不怕，要留清白在人間。

征夫詞

劉績

征夫語征婦，死生不可知。欲戀泉下魂，但視蘇中兒。

征婦詞

劉績

征婦語征夫，有身當殉國。君爲塞下士，妾作山頭石。

匡山大忠詞

陳獻章

天王舟楫浮南海，大將旌旗仆北風。世亂英雄終死國，時來胡虜亦成功。身爲左部皆劉

豫，志復中原有謝公。人衆勝天非一日，西湖雲捲岳王宮。

匡山弔陸公祠

陳獻章

傷心欲寫匡山事，惟看東流去不回！草木暗隨忠魂弔，江淮長爲節臣哀。精神貫日華夷見，氣脈凌霜天地開。耿耿聖旌何處是？英靈抱帝海濤隈。

題匡山石陰詩

陳獻章

忍奪中華興外夷，乾坤回首重堪悲。鶴功奇石張弘範，不是胡兒是漢兒！

宿松山所遇孟玉千戶老而能言談開國以來邊事歷歷可聽次日

趨凌河驛道中述其語爲四絕

姚夔

七歲爲官今七十，直從洪武到新年。同時將士皆稀少，贏得兒孫滿眼前。
牢落關山百戰中，此生無罪亦無功。子今邊境安如堵，共說君王似太宗。
當時倭寇入遼陽，曾逐偏裨夜欲藏。百舸成灰諸賊盡，傷心和淚說劉剛。

雙鬢蒼蒼力微，已教兒子代戎衣。此身雖老猶能射，閑上雕弓去打圍。

國士行

李東陽

漆爲痼，炭爲嗝。彼國士，何爲者？趙家飲器智家頭，一日事作千年仇。報君仇，爲君死，斬仇之衣仇魄褫。臣身則亡心已矣！

登閱江樓

王守仁

絕頂樓荒舊有名，高皇曾此駐龍旌。險存道德虛天塹，守在蠻夷豈石城。山色古今餘王氣，江流千古變秋聲。登臨授簡誰能賦，千古新亭一槍情。

回軍九連山道中短述

王守仁

百里妖氛一戰清，萬峰雷雨洗回兵。未能干羽苗頑格，深愧壺漿父老迎。莫倚謀攻爲上策，還須內治是先聲。功微不願封侯賞，但乞馮轡絕橫征。

書草萍澤

王守仁

九日獻俘北上，駐草澤時，已暮。忽傳王師已及徐淮，遂乘夜速發，次壁間韻紀之。

一戰功成未足奇，親征消息尚填危。邊烽西北方傳警，民力東南已盡疲。萬里秋風嘶甲馬，千山斜日度旌旗。小臣何術驅馳急，欲請回鑿罷六師。

南浦道中

王守仁

南浦重來夢裏行，當年鋒鏑尚心驚。旌旗不動山河影，鼓角猶傳草木聲。已喜闐闐多復業，獨憐饑饉未寬征。迂疏何有甘棠惠，慚愧香燈父老迎。

朱僊鎮廟

李夢陽

宋墓莽岑寂，岳宮今在茲。風霜留檜柏，陰雨見旌旗。百戰回戈地，中原左袵時。土人嚴伏臘，偏護向南枝。

經行塞上

李夢陽

天設居庸百二關，祁連更隔萬重山。不知誰召呼延入，昨日楊河大戰還。

諸將入朝歌

何景明

大將龍旂朝帝京，至尊親遣貴臣迎。侍中獨領嫖姚部，戰馬皆歸龍虎營。
河濟江淮血不流，中原萬馬一時收。黃金未散成功士，白纛先梟敗將頭。
河北諸軍盡有名，雲中驍騎本輕生。金裝白馬翻翻出，不見長安子弟兵。
玉佩金貂列上勳，槌牛殺馬犒三軍。萬里旌旗天上度，滿城金鼓日邊聞。
天下山河首洛中，漢家州縣滿山東。將軍不畫麒麟像，士卒休論汗馬功。
誰度金陵擁帝居，吳關水府控淮徐。樓船一鼓風波力，滄海鯨波作釜魚。
戰士歸來皆武冠，紫纓駟馬跨金鞍。可憐萬里城頭月，照見沙場白骨寒。
梟梟伏桑朝日昇，兵膽俱石海波澄。正德七年謀叛賊，大明八葉賭中興。

感事

紫荊西望白雲山，腹裏雲中指顧間。好降絲綸促諸將，急操兵馬備三關。白日城門四不開，賊奴情狀頗難猜。乘時早定安邊計，只恐春深躍馬來。

邊貢

聞警

蘇祐

榆塞傳刁斗，經年未罷兵。遂令青海窟，復度白登城。四野空多曠，三軍熟請纓。城門有願啟，萬一早留情。

登喜峯古城

唐順之

絕頂孤峰見廢關，短衣落日試躋攀。三秋豹旅方乘障，萬里龍媒正滿山。候雁似隨羣思去，寒花將送使臣還。等邊延海真無補，空望伊吾抵掌間。

古北口

唐順之

諸城皆在山之均，此城冠山如鳥窠。到此令人思猛士，天山萬里鳴刁鐃。

蔚州歌

尹耕

南山陡絕石門峪，西嶺斜通亂石灘。敢勇近聞堪一戰，莫教容易近長安。
井陘荒城日易曠，阜平山下剩黃雲。羯奴飲馬桑乾水，裒殺關南義勇軍。

戚將軍贈寶劍歌

王世貞

毋嫌身價抵千金，一寸純鉤一寸心。欲證命輕恩重處，瀟陵風雨夜來深。
曾向滄江刺怒鯨，酒闌分手贈書生。芙蓉潭盡魚鱗老，總爲人間事漸平。

漠北詞

謝榛

石頭敲火炙黃羊，燕女低歌勸酪漿。醉殺單於不知夜，鷓兒嶺下月如霜。

塞上歌送王侍郎赴薊鎮

宗臣

榆關北望陣雲高，五月天風吹戰袍。共說總戎王相國，十年身佩呂虔刀。

寒夜和敬所韻

楊繼盛

乾坤一草闔，宇宙半胸襟。宿雨千年淚，明霞萬古心。疏燈照客夢，佳興帶寒吟。肌骨
渾如鐵，寒威任爾侵。

朝審途中口吟

楊繼盛

風吹柳鎖滿城香，孫漢宇看員外郎。豈願同聲稱義士，可憐長坂見親王。聖朝厚德如天
地，廷尉稱平過漢唐。桂籍從來歸視死，此身兀自不墜楊。

臨行詩

楊繼盛

浩氣還太虛，丹心照千古。生前未了事，留與後人補。

天王自聖明，制度高千古。平生未報恩，留作忠魂補。

凱歌

戚繼光

萬人一心兮泰山可敵，萬忠與義兮氣衝斗牛。寸將親我兮勝如父母，寸犯軍法兮身不自
由。號令明兮誓戮信，赴水火兮敢遲留。報國家兮下救黔首，男兒壯志兮竟封侯！

盟忠樓詩

戚繼光

絕頂開高閣，雄規壯北門。側身見遼海，舉手接天關。擊楫前賢志，裁襟國士恩。叮嚀二三子，毋負此盟言！

辛亥年戍邊有感

戚繼光

結束遠旋征，辭家已百程。欲疲東海騎，漸老朔方兵。并邑財應竭，藩籬勢未成。每經霜露候，報國眼常明。

登盤山絕頂

戚繼光

霜角一聲草木哀，雲頭對起石門開。朔風兩酒不成醉，落葉歸鴉無數來。但使雕戈銷殺氣，未妨白髮老邊才。勒名峰上吾誰與？故李將軍舞劍臺。

過文登營

戚繼光

冉冉雙瞻度涯海，曉煙低護野人家。誰將春色來殘燹，獨有天風送短笳。水落尚存秦代

春，潮來不見漢時橋。遙知百國徵荒外，未敢忘危負歲華。

紀事

戚繼光

閩苦倭患且數年，余奉命赴援蕩平，忽新倭勢復猖獗，時盛司南明汪公憂之，期余請兵於浙。值時事變更，公與余備嘗窘迫狀，既得兵南發，再平閩難。余叨恩已厚，而公獨以人言去。感而賦此，別有閩海紀詳其事云。

十年荼毒悲閩徼，壬戌揚旌出水滸。劍倚秋風平劇壘，帆懸漲海聚新夷。酬思往日同盟地，何似中流擊楫時。報國志酬民恨雪，艱虞此意更誰知。

塞外觀音岩

戚繼光

朔庭喜見戰塵收，石洞疑從大士游。不道受降唐壁壘，何如奉使漢風流。天低臺觀三千里，雪近顛毛四十秋。短劍蕭森心尙壯，君恩回首幾時禱。

湯泉大閱

戚繼光

使者臨關日擁旄，天威只尺壯神皋。指揮乍結車騎陣，戰守還憑虎豹韜。萬閣凌霄金作壘，五兵飛雪玉爲刀。年來愧薄君王寵，幸有邊塵識二毛。

寄書

戚繼光

寄書向知己，不解作家音。男兒鐵石志，總是報君心！

送戚都護歸田

陳第

承平日久不知兵，南北徵師浪結營。獨有鴛鴦明節制，堂堂中國振先聲。
輟田遺愛滿幽燕，不見胡塵十六年。誰把旌麾移嶺表，黃童白叟哭天邊。
朔方遼海懷恩信，日本安南識姓名。蓋世勛庸仍不伐，循循裘帶一書生。

後出塞

陳第

萬里秋風海上生，驅車今復戍檀城。天塞夜渡韋溝水，馬尾凝冰碎有聲。

塞上曲 記癸亥秋宣大事

張四維

胡馬秋肥塞草長，彎弧直擬犯滄陽。歸途却避弓騎水，知是繚樓舊戰場。

題周冕贈任別駕卷

此紀蘇州同知任環破倭事

歸有光

江南列郡盡誰城，藏穴何人肯出兵。惟有使君躬擐甲，劉家港口看潮生。
東倉白晝靜城闌，煙火連宵掃虎關。忽駕迴潮趨海道，傳呼盡避使官人。

海上紀事

歸有光

任公血戰一牛餘，蓮碧花嬌村塢虛。義士劉平能代死，吳門今不數專諸。

頌任公

歸有光

輕裝白紵日提兵，萬死寧能顧一生。童子皆知任別駕，巍然海上作金城。

海夷

王穉登

錢唐雄盛比姑蘇，宋室南遷是帝都。處士梅花經戰馬，美人楊柳失栖烏。翠華舊路雲俱斷，白馬潮聲海半枯。惟有將軍青塚樹，枝枝南向野鷹呼。

宗將軍戰場歌

王穉登

宗將軍名禮，關中人。官游擊將軍，驍勝善戰，約束士伍，有古名將風。徐海入犯，提兵扼皂林，阮中丞在桐城嬰城自守，將軍以無援戰歿。朝廷贈官，官其子。有司立廟戰場，榜曰忠魂，戲下士能談故侯將略往往爲之零涕，以比人知其得士心也。

月黑耕人語，隔河見白馬。知是精靈歸，來向廟門下。
河邊枯髑髏，金鏃射爲窟。入時何太深，碎骨始得出。
園中鼠雀盡，城裏入傳殮。爲鬼已滅賊，何時滅賀蘭？
本謂江南樂，佩刀居帳下。漁陽徵飛士，無一生還者。
將軍空血戰，中丞深閉門。桐鄉城北路，流水沒孤根。
故劍不可收，姓名刻劍匣。瑟瑟白楊根，遠空葬金甲。
射盡白羽箭，戰士不肯去。春來草痕赤，舊日流血處。

有家空募士，無骨可封侯。負却生時相，班超是虎頭。
結髮為飛騎，相從霍冠軍。征南諸將士，枯骨論功勳。

凱歌

沈明臣

銜枚夜度五千兵，密領軍符號令明。狹巷短兵相接處，殺人如草不聞聲。

龔山凱歌

徐渭

短劍隨槍暮合微，寒風吹血著人飛。朝來道上看歸騎，一片紅冰冷鐵衣。
七尺飛蟠皂線纜，倭兒刀挂漢兒腰。向誰手內親稍得，一遍衝鋒滾海蛟。

宴遊爛柯山

徐渭

萬山松柏遶旌旗，少保南征暫駐師。接得羽書知賊破，爛柯山下正圍棋。
偏裨結束佩刀弓，道上逢迎抹首紅。夜雪不勞元帥入，先擒賊將出迴中。
羣凶萬隊一時平，滄海無波嶺堠清。帳下其推擒虎將，江南只數義烏兵。

涼州詞

張恒

壘頭酒熟葡萄香，馬足春深首着長。醉聽古來橫吹曲，雄心一片在西涼。

宿朱仙鎮

袁宏道

秋高夜鏗冷空庭，草木猶疑戰鐵腥。地下九哥今悔不？六陵花鳥哭冬青。

朔胡歲歲括金錢，稱姪稱臣也杌然。馬角不生龍蛻冷，酸心直到大兒年。

征兵

鄭以偉

羽書諸道召勤王，羅幕營前送啓行。隆萬邊兵恒十萬，劍門但付賊南塘。

過恨者關

熊廷弼

兩年關上路，三度病中過。衰爲沙塢旱，愁緣世網多。逐臣甘糞土，舉國驚風波。涕泣三朝事，馳驅敢惜他。

過穆陵關

盧象昇

此關離太平驛三十里，余領五省軍務，統兵入豫。見壁間一律云，獨上亭臺耳目新，情懷何異葛天民。江山寄跡原非我，大地爲盧亦借人。放盡樽前千里目，流空衣上十年塵。有詩不寫酬佳景，却恐風塵笑客貧。其詩高妙，相傳爲呂純陽先生所題，漫次。

介馬臨戎壁壘新，連天烽火歎無民。揮戈欲洗山河色，仗策思援飢溺人。安奠蒼生千古事，掃除逋寇八年塵。嚮歸兩袖清風去，坐看閒雲不厭貧。

過太平驛

盧象昇

驛在豫州光麻之間，余奉命討賊督兵過此，卽以太平二字爲題。

誰挽天河洗甲兵，金戈鐵馬旅人情。請纓豈是書生業，倚劍長吟視太平。

贈秦良玉

明思宗

學就西川八陣圖，鴛鴦袖裏握兵符。由來巾幗小心受，何必將軍是丈夫。

蜀錦袈裟手製成，桃花馬上請長纓。世間多少奇男子，誰肯沙場萬里行！
露宿風餐誓不辭，嘔將心血代胭脂。北來高唱勤王曲，不是昭君出塞時。

憑將箕帚靖皇都，一派歡聲動地呼。試看他年麟閣上，丹青先畫美人圖。

自贊

劉理順

成仁取義，孔孟所傳。信國踐之，我何不然！科名既占，豈肯苟全。三忠祠內，無愧前賢。

絕命詞

王士和

痛余生之不辰兮，天滅我之立王。我父母一聞兮，涕滂沱以彷徨。以身殉國難兮，維千古之臣綱。嗟反面而事讎兮，方臣妾之未遑。哀世溷濁兮，四維不張。大地無容身之隙兮，願隨我父母兮歸於帝鄉。

絕筆

許直

投筆駭然辭世行。老親幼子隔幽明。丹心未雪生前恨，青簡空留身後名。

絕句

成德

出山已定盟心語，作令須思遣戍時。但卷琴書賦歸去，莫因徇祿乞身遲。

絕命辭

劉良謨

中天懸日月，四海所畢照。倏爾陰霧昏，日月失常道。大夫百執事，其誰忘明君。愧死沈病久，床第淹數旬。背城孰盡瘁，巷戰杳無聲。如何社稷靈，順民爭見形。載舟亦覆舟，古今同一轍。順民卽逆民，參觀非一日。蒼蒼不可問，興亡我可存？誓守不二心，一死報君恩。

示洵兒

六月二十四日

劉宗周

子職未伸，君恩未報。嘗死而死，死有餘悼！

絕命辭

六月二十九日

劉宗周

留此旬日死，少存匡濟意。決此一朝死，了我平生事。慷慨與從容，何難亦何易！

登北固

徐石麒

峻嶒高閣府重關，人語雞聲杳萬間。水落江城高一甕，潮迴海勢下雙山。愁看直北浮雲黑，欲羨歸南去雁閒。滿眼糧艘來更早，誰憐逃屋議招還。

夜發靜海抵直沽

徐石麒

禾黍高低弄夕曛，檣燈零亂破黃昏。樹蒸夜色三分雨，帆裏秋煙一葉雲。靜海金鉞鳴古戍，直沽牙關駐新軍。援遼已竭東南力，何日辰韓報策勳。

燕子磯口占

史可法

來家不面母，咫尺猶千里。磯頭洒清淚，滴滴沈江底。

憶母

史可法

母在江之南，兒在江之北。相逢在夢中，牽衣喜且泣。

臨行絕命詞

左懋第

漠漠黃沙少雁過，片雲南下意如何！丹衷碧血消難盡，萬作寒煙總不磨。

寓中清明雜興

郝彪佳

風雨清明又一春，桃花零亂野溪濱。窗前惟有青山在，歲歲相石作故人。

題案詩

郝彪佳

圖功爲其難，潔身爲其易。吾爲其易者，聊存潔身志。含笑入九泉，浩然留天地。

江上曲

孫臨

皓月孤鴻夜雨霜，悠悠江水一帆長。傷心兵火無消息，不願逢人問故鄉。

痛哭

甲申三月

黃淳耀

舉首天如夢，傳言痛入心。九流真浩浩，八表竟沉沉。弓劍橋山遠，虹霓帝座深。少康今播越，何國是斟尋。

天子十五葉，皇朝三百年。陷牀驚下座，失涕到銅仙。僞詔公然草，南冠且望全。眞成書種絕，江海重潸然。

從軍行

黃端伯

萬里長城北，蕭條白草荒。風沙吹不去，秋色正蒼茫。日冷行空壘，天低壓戰場。別來一回首，何處是家鄉！

遼落蕭關外，陰風萬里肥。至今勞北顧，何敢念東歸。列戍傳金柝，寒沙臥鐵衣。戰場春不到，白雪作花飛。

絕命辭

黃端白

血面絕商量，獨露金剛王。問我安身處，刀山是道場。

觀兵泥灣題寺壁

吳應箕

何處能尋虎豹關，谿源天設此泥灣。已看下葉霜威肅，轉覺無聲之子閑。小邊自然疑草

木，大明終是舊河山。與公努力勤王事，漫問鐘鳴到枕間。

至南京

吳應箕

江山南國尚依然，獨見衣冠倍去年。日日除書新拜命，何人曾說舊幽燕。

西山

麻三衡

西山不可望，萬里遠傷心。落日照荒野，亡國懷故林。亂流吾欲渡，歧路亦何深。誰是冠纓者，蕭蕭薇蕨吟。

黃河流不盡，北燕至何爲？冠蓋空三輔，鯨鯢盡赤眉。魂銷分劍日，心折覆巢時。野哭千山暮，無人慰黍離。

世亂忽如此，國恩誰與論！征兵到甌脫，揮盜自重關。貧賤懷知己，弓裘忘至尊。中宵望北斗，不敢賦招魂。

終日如有失，相石何所求。一身隔江海，雙淚滿滄洲。父老疑猶在，東南淚不收。中原

李郭，早晚急同讎。

被執時題詩

麻三衡

吳越連沙漠，天心不可謀。漫留千丈髮，笑看百年頭。若水心猶烈，平原志未酬。清風吹宛句，朝暮五湖秋。

絕命辭

張秉純

逢人漫說宋文山，樓上三年坐臥難。我本布衣饑不死，西山無面復相看。

南京客舍

戴重

十載蕭條折角巾，只隨短髮走風塵。壯遊客散詩名廢，偷歲兒飢斗酒貧。銅井江邊鴉聚雪，瓦宮閣外柳迎春。閒愁已足消長夜，况說黃河虜騎頻。

絕命辭

戴重

河上柳樹碧如煙，父老留根三百年。也移幾樹滄泉石，候到春深巢杜鵑。

前年三月十九日，與客登山披髮號。選得山空人絕處，好桃山菜醉_寒。難言五月傷心事，九鼎云亡又未知。莫翦孝陵陵上柏，童童萬竅倚天枝。平生不願垂床死，今日寧知死臥床。忒是便宜兒女子，不將馬革走沙場。古人詩癖兼吟興，只道梅花又菊花。兒孫能種盈溪樹，春雪秋霜纔是家。

述志

許士楷

朝恨虞淵黯夕暉，新亭風景淚沾衣。桃源不是無舟到，恥向春山飽蕨薇。

題仁書後

吳爾壘

被甲甲。操吳戈。氣之雄，騰大河。爲廣野，捐愛版。志之決，頭雖杼！我心赤，我血碧！長城雖壞，白虹貫日！

題衣

蔣鼎

凌 駒

艱難歷盡乃徒然，謝世長歸碧落天。從古文山能有幾？不如仗節學平原。

題衣絕筆

凌潤生

翰旅陳師誓大川，時乎不濟悵徒然。沙場偃臥一聲嘯，鞭馭春光向上天。

題衣上詩

吳可箕

大義君臣重，臨危矢致身。操心死國難，恥作兩朝人。

贈友人

葛麟

怪君何事大憂愁，要作男兒拚斷頭。試看古今雄烈士，幾人保首上荒邱。

絕命詞

文乘

閔閔名家舊姓文，一身報國許誰聞。忠魂今夜歸何處？明月灘頭臥白雲。

書衣襟

高孝纘

首陽志，唯陽氣。不二其心，古今一致！

題壁

劉成治

此詩之氣，赫赫洋洋。歸於帝里，保此冠裳。

題橋柱

馬純仁

此乃心，寧死厥身。一時遘事，千古完人。

絕命詩

顧所受

是明朝老布衣，眼前世界不勝悲。從容死向宮牆地，免使忠魂棄濁渠。

絕命詩

陸培

誰謂朝廷一命輕，行人使節本皇明。春秋官殺諸侯上，周禮班從司馬名。雍國尚慚收采石，荆胥無計泣秦兵。蕩陰徒有瀟衣血，烈帝孤臣恨不平。

絕命詞

張錫眉

託命不辰，僑居茲里。倚絕宗親，路隔同氣。與城存亡，死亦爲義。舉家殉之，惜非其地。後之君子，不我遐棄。

絕命詞

王玉藻

生年苦泣孤臣，雖得乾乾淨淨身。四女饑殍神樂散，這篇草稿付誰人？

題案詩

趙天生

書生不律難驅敵，何處秦庭可借兵。只有東津橋下水，西流直接汨羅清。

過新嶺

新嶺上弔金正希死，時有江天
一諸賢從之，足爲吐氣。

黃道周

殘棋唾手已難工，又是論人成敗中。但說丹心何所用，一時張眼望滅洪。

絕命詞

黃道周

蹈仁不死，履險若夷。有隕自天，舍命不渝。

綱常萬古，性命千秋。天地知我，家人何憂！

絕命詞

陳函輝

生爲大明之人，死作大明之鬼。笑指白雲深處，蕭然一無所累。

子房始終爲韓，太叔死生爲魯。赤松千古成名，黃檗存心獨苦。父母恩無可報，妻兒面不能親。落日樵夫河上，應憐故國忠臣。臣年五十有七，回頭萬事已畢。徒慚赤手擎天，惟見白虹貫日。手著遺文千卷，尙傳副在名山。正學焚書亦出，所南心史難刪。慧業降生人文，此去不留隻字。惟將子孝臣忠，貽與世間同志。敬發徐陵五願，世作高僧法眷。魂遊震海名山，身列兜率內院。今日爲方正學，前身是寒山子。徒死尙多抱慚，請與同人證此。

絕命詞

余 煌

穆駿自馳，老駒忽逝。止水汨羅，以了吾事。有愧文山，不入柴市！

絕筆

陳潛夫

父兮生我，申以嚴誨。惟孝惟友，曰忠與義。丙子鄉薦，顧名自勵。名曰孝廉，庶幾無愧。致身之期，歲在癸未。司理開封，星言視事。以身許君，有死無二。是時兩河，賊

氛如蝟。衆人迴車，余獨攬轡。賊出河朔，羣工奔避。予乃渡河，繫楫而濟。誓清河南，以報先帝。手披荆榛，身禦魍魎。獨張空奏，以當賊騎。知有封疆，九死何畏！三十州邑，終復舊地。維時先帝，鑒予忠瘁。授以巡方，繡衣北莅。惜也諸姦，互相牽制。中樞信讒，嫉予不媚。聯絡要圖，置之罔遂。三月撤歸，可爲隕涕。哀哀先人，一時捐棄。廿旨莫遂，遺書淪廢。我哀方盈，姦怒轉熾。赫赫金吾，逮予邸第。圍牆幽蔓，寇氛猝至。匍匐歸來，挈家奔避。航海飄零，請兵于會。召募丁男，三百而已。衣甲糗糧，皆余自備。血戰江干，二十餘次。糧寡兵微，於事何裨。疾痛呼號，徒然憤恚。丙戌五月，公侯帥潰。區區孤軍，其何能濟！事不可爲，偷生何貴！拜別吾母，以及諸弟。挈吾妻妾，從彭咸逝。成仁取義，千古如是！

登雲石贈諸將

張國維

月明橫梁倚層峰，宵柝風飄和梵鐘。舊是開平賈勇處，諸君努力此書庸。

絕命詞

張國維

艱難百戰戴吾君，拒敵辭唐氣勵雲。時去仍爲朱氏鬼，精靈長傍孝陵墳。

至日感懷

袁繼咸

葭灰吹律動長安，猶記衣冠拜紫纓。此日近臣新寵澤，貂裘駿馬不知寒。
椒盤蕙酒隔鄰香，兒女嗔呼捧壽觴。扶死起看滄海日，天涯何處是高堂！
暖煙吹不到巖松，百尺虬枝積雪封。却羨雙飛南浦雁，晴川流水碧溶溶。
朝陽見隱舞飛沙，握髮開書忽憶家。人說東南美竹箭，可能依舊茁新芽。

自銘

袁繼咸

死事也易，成事也難。爲嬰弗克，爲白維艱。張死匪先，許死匪後。臣心靡他，靖獻我后。

絕筆

夏完淳

父得爲忠臣，子得爲孝子。含笑歸太虛，了我分內事。大道本無私，視身如敝屣。但爲

氣所激，緣悟天人理。噩夢十七年，報國在來世。神遊天地間，可以無魏矣！

金壇縣南五里顧龍山上有高皇帝御題詞一闕 顧炎武

突兀孤亭上碧空，高皇於此下江東。即今御筆留題處，想見神州一望中。黃屋非心天下計，青山如舊帝王宮。丹陽父老多遺恨，尙與兒童誦大風。

重謁孝陵 顧炎武

舊識中官及老僧，相看多怪往來曾。問君何事三千里，春謁長陵秋孝陵？

絕命辭 瞿式耜

從容待死與城亡，千古忠臣自主張。三百年來恩澤久，頭絲猶帶滿天香。
斷臂傷睛木塞唇，猶存雙膝舊乾坤。但將一死酬今古，剩有丹心傍主臣。

祝髮偈 錢邦芭

一杖橫擔日月行，山奔海立向前程。任他霹靂眉邊過，談笑依然不轉睛。

舟泊匡山詩

陳恭尹

山木蕭蕭風更吹，兩崖雲雨至今悲。一聲杜宇迷荒殿，千載愁人拜古祠。海水有門分上下，江山無地限華夷。停舟我亦艱難日，愧向蒼苔讀舊碑。

弔甯武周將軍

屈大均

三關保障推寧武，苦憶當年禦賊才。百戰不緣飛將失，九門何至內城開。夫妻力共山河盡，士馬謂隨風雨來。北望長城空灑淚，不堪斜日滿旗臺！

舊京感懷

屈大均

羽翼秋高未奮飛，移家偏向帝王畿。文章總爲先朝作，涕淚私從舊內揮。燕雀湖空芳草長，臙脂井滿落花肥。城邊亦有陰山在，怪得風沙暗翠微。

內橋東去是長干，馬上春人擁暮寒。三月風光愁裏渡，六朝花柳夢中看。江南哀後無辭賦，塞北歸來有羽翰。形勢只餘坏土在，鍾山何必更龍蟠？

書贈義軍舊書記

丘逢甲

拜將壇高卓義旗，五洲睽日屬雄獅。當時力保危臺意，只有軍前壯士知。
宰相有權能割地，孤臣無力可回天。啼鴉喚起東都夢，沈鬱風雲已五年。
（鄭成功入台灣立承天府，號東都）。

鳳凰台上望鄉關，地老天荒故將閒。自寫鄂王詞在壁，從頭頓頓舊河山。
誰能亦手斬長鯨，不愧英雄傳裏名。撐起東南天半壁，人間還有鄭延平。

謁明孝陵

丘逢甲

鬱鬱鍾山紫氣騰，中華民族此重興。江山一統都新定，大霧鳴笳謁孝陵。

民
族
詩
選

民族詩選勘誤表

第幾頁 第幾行 誤

一	八	玉袍	頂
六	三	窮廬	穹廬
六	〇	壯士	壯士
六	一	千百戰	千百疆
七	七	高髻	高鬢
八	一	必雙	必疊雙
八	七	南部	南郡
〇	一	帝鄉	帝鄉
二	三	羌笛	羌笛
四	五	胡兒	胡兒
六	一	中興	中興
六	九	悲泉	悲泉
六	九	顧色	顏色

民族詩選 勘誤表

附

註

落「疊」字

民族詩選 勘誤表

一七	三	妖氛豁	妖氛豁	落「將」字
一九	八	化盡	盡化	落「一負」字
二二	二	遲暮	遲暮	
二三	七	伏獵	伏臘	
二九	五	東征行	東征行	
三〇	九	午可觸	牛可觸	
三三	六	路歧	路歧	
三五	一一	軍作鎮	將軍作鎮	
三八	七	虛言其恩	虛言負其恩	
四六	七	溼旌裘	濕旌裘	
四七	六	胡無酋	胡無酋	
四九	六			
五四	四	蠻蜒	蠻蠻	
五四	九	何洛	河洛	
五四	九	關氏血	關氏血	

題目應刊四號字並與下行
連接排印

標點錯誤

五七	五七	一	胡旋此。	胡旋。此	同上
六七	蓬蓬歌	一二	轉蓬歌		
六四	壯頭	九	牀頭		
六五	三萬之	八	三萬里之		落一「里」字
六五	天網	九	天網		
六七	擊壁	六	擊壁		
七〇	野迴	四	野迴		
七七	漆箔	七	漆箔		
八〇	紙錢	二	無錢		
八八	大酋	二	大酋		
八九		二			
九一	乎持	一	手持		
九一	李凌	一	李陵		
九三	宮人	〇	宮人		
九四	南人	二	南八		

「山河四塞號甌金」一句起
係詩句，應提行頂格排。

民族詩選 勘誤表

民族詩選 勘誤表

九四	河所	何所
九五	北州	霸州
九八	敝禁庭	敝禁庭
一〇三	不東南	不拄東南
一〇七	羸得	羸得
一〇七	高馬來	萬馬來
一一二	而七十九	而不七十九
一一二	各不朽	名不朽
一一五	吊辛稼軒	吊辛稼軒
一一八	羸得	羸得
一二二	孰請纓	孰請纓
一二七	只尺	咫尺
一二九	以比	以此
一三〇	合徵	合圍
一三三	大地爲虛	天地爲虛
		落「拄」字
		落「不」字

黃埔叢書

編輯者 盧

編者 黃埔出版社

印刷社

發行部

前

中華民國二十九年六月初版

1—4000

封 底